

叙州府志

序紀  
錄事  
外紀

册八廿第

敘州府志卷四十三

紀事二

大清順治元年明總督樊一蘅與王應熊避亂遵義將會師大舉會巡撫馬乾復重慶松潘副將朱化龍同知詹天顏擊斬賊將王運行復龍安茂州一蘅乃起舊將甘良臣爲總統副以侯天錫屠龍合參將楊展游擊馬應試余朝宗所攜潰卒得三萬人明年三月攻敘州應試朝宗先登展等繼至斬首數千級僞都督張化龍走遂復其城

明史

賊將馮雙禮寇敘州每戰輒敗孫可望以大眾接之

敘州府志

卷四十三

紀事

一

隔江持一月糧盡一蘅退屯古藺州展退屯江津賊退截朱化龍及僉事蔡肱明於羊子嶺化龍率番騎數百衝賊兵賊驚潰死者滿山谷他將復連敗賊於摩泥滴水一蘅乃命展應試取嘉定邛眉故總兵官賈連登及其中軍楊維棟取資簡天錫高明佐取瀘州李占春于大海守忠涪其他據城邑奉征調者洪雅則曹勛及監軍副使范文光松茂則監軍僉事詹天顏夔萬則譚宏譚詣一蘅移駐納溪居中調度與應熊會瀘州檄諸路刻期進獻忠懼盡屠境內民沈金銀江中大焚宮室火連日不滅棄成都走川北

明史

順治六年獻賊黨盧名臣盤踞重敘馬湖一帶梅勒章京葛朝忠總兵陳德楊正泰等水陸兼進直抵賊巢擒斬無數三府悉平

順治十六年四川巡撫李國英遣游擊趙虎臣黨世昌取馬湖敘州二府生擒土司牟勝解赴京得

旨令勝回蜀招未服者以贖罪國英遣勝隨虎臣出師招敘

州馬湖各郡縣不數月郡縣皆入版圖

並屏山志

順治十八年時地方初闢文武將吏尙未全設橫江四圍夷人陳奎鄭士道等爲僞王朱奉鎔僞道王應泰等煽惑乘機爲亂夜至敘州府行劫署府事馬湖

敘州府志

卷四十三

紀事

二

推官霍焜署宜賓知縣董顯明與賊力戰眾寡不敵城破執官奪印同時賊黨分犯馬湖屏山縣知縣王敬公及慶符縣知縣沈酈殊死戰力不能支亦城破執官奪印永甯總鎮高崇聞賊報遣游擊王魁領兵倍道赴敘署兵備道董明命措備糧糗隨營撲勦奪南廣恢復敘城會署守道紀耀揚帆自瀘而上賊眾大敗宵遁馬湖我兵尾後土官王嗣續亦出土兵相應內外夾攻多所斬獲官印俱得而朱奉鎔王應泰及參謀張最元者俱成擒矣叛夷陳奎鄭士道等敗回巢穴聚眾據險官兵追之調度攻勦鏖戰於石灰

窩斬其梟惡覆其逆巢擒其渠魁撫其餘黨而後四  
固平總督國英疏報康熙四年二月內奉

旨敘州府馬湖府因新開地方賊盜眾多道府各官未經全  
設以一推官署兩府之事據奏當逆賊侵犯敘府時署府  
事推官霍焜署宜賓縣事董顯明率家丁衙役出城緝捕  
身受重傷子姪皆被賊殺又旋將失城恢復及逆賊分犯  
屏山慶符二縣知縣王敬公迎戰東關射死賊鄒學賢身  
中五箭知縣沈灝出城戰於教場手殺賊方英茂伊等俱  
在寇亂地方尙屬効力有功不應議罪又稱署道各官星  
速請發兵馬措運糧米與官兵協力恢復搗穴擒渠此等

敘州府志

卷四十三

紀事

三

官員俱應議敘其功今將霍焜等俱議處分未合一併再

議具奉欽此

屏山志

康熙十三年吳逆之變敘瀘一帶土夷復乘間騷動  
勇畧將軍趙良棟遊擊李芳述等討平之

舊通志

康熙十九年內吳逆餘孽破永甯後遂擄馬湖地蹂  
躪不堪二十年二月內將軍馮彌勒提師率敘馬營  
追賊恢復馬湖城

屏山志

雍正六年雲南米貼夷婦陸氏不法戕雲南官兵四  
川雷波土司楊明義陰助之陸氏誘附近結覺阿路  
阿照平底等夷人作亂巡撫憲德提督黃廷桂奉

旨進勦陸氏就擒廷桂帶兵由馬湖進圍吞都山破夷寨斬賊首屋雞母雞等二十餘人復由雷波黃螂中路進令副將張玉駐黃螂以資彈壓王剛駐竹核互爲聲援遊擊康世顯渡金沙江斷賊歸路王安民吳維翰高麟瑞何懋甫等由馬湖截勦斬賊二百餘人賊遁入磨石簸箕壘兩山緊抱一峯半山崗寨數十夷眾持標鎗毒矢積巨石據守木柵廷桂分遣官兵四面攻擊一日克九崗直抵黑龍崖黃草坪大破之軍至拉密生擒明義并造謀人卑租及賊目業姑物租等斬賊目達姐奪寨一百餘隨勦附近黃螂之確里

敘州府志

卷四十三

紀事

四

密等支夷人礮斃賊酋利耶並翦阿都夷夷人擒獻其酋阿必阿驢夷亦就撫結覺阿路諸夷以次平招撫夷民共計一千五百九十六戶留兵駐之以資防範先是越嵩衛阿羊蠻加巴貫子劫掠商旅每月朔望必派撥官兵五十名護送往來名曰放哨自提督黃廷桂削平結覺之後道路蕩平往來絡繹無阻並安設敘馬建武馬邊大壩峩邊安阜普安各營屬永甯協管轄以資控制

舊通志

皇朝雍正七年戶部議覆四川提督黃廷桂條奏雷波建昌甯番阿都等處善後事宜節畧戶部爲遵

旨查議事四川清吏司案呈和碩怡賢親王等謹

奏<sup>臣</sup>等查得四川提督黃廷桂陳奏雷波建昌等處善後事宜十四條除黃螂土司國保情願輸誠獻土已奉

諭旨加恩給以守備職銜竝賞銀五千兩外其雷波改設流官應令該提督黃廷桂會同督撫妥議具題餘十三條<sup>臣</sup>等分別詳議具奏據四川提督黃廷桂

奏一稱雷波隔江與米貼井底相望又直逼涼山西有烏角東有牛吃水東南有豆沙溪南有虎跳西南有那比二渡通千萬貫一帶路徑繁多皆屬要隘請

敘州府志

卷四十三

紀事

五

建城造橋設官修署置塘房添營汛等語<sup>臣</sup>等按地圖雷波黃螂路通涼山關隘應如所請添設官弁建築城垣併造官署兵房營房動支正項其所增二營遊守等員該提揀選題補增設兵丁該提召募壯健充當金沙江搭橋之處該提詳勘具奏一稱馬邊石角之中地名西甯隘係卸甲坡黃草坪一帶夷人出沒隘口通黃螂連雷波最關緊要除馬邊九汛舊隸營兵外酌請增設等語<sup>臣</sup>等查馬邊一營北接甯越南連黃螂九汛之中西甯尤爲夷人出入隘口應如所請於馬邊營增設馬步兵一百六十名并原額

共四百名西甯隘增設兵八十七名并原額共一百名將原駐石角把總移汛西甯其作何召募支給糧餉之處該提會同巡撫憲德定議具奏 一稱雷波黃螂內附伊始尙可不設州縣請設衛守備一員駐劄雷波所千總一員駐劄黃螂官署門役等項照建昌衛所例該衛備弓兵五十名所千總弓兵三十名操練捕緝等語<sup>臣</sup>等查雷波黃螂地方新附戶口無庸建設州縣應如所請設立衛所守備千總以司刑名錢糧之事仍聽永甯道藩臬二司稽查考核其官署門役弓兵悉令照例蓋造召募 一稱雷波黃螂

水陸地利甚廣苗民成熟田畝歷來不知分別坵畝限界多致侵佔仇殺今既內附該衛備等應履畝清勘守界守業飭令量納租石數年後再酌肥礲始定按畝起科之制等語<sup>臣</sup>等查雷波黃螂新附該衛備等勸諭開導將各名下田畝清理界址無令紛擾俟奉公守法之久該督撫逐戶詳查量定科則具奏 一稱雷波黃螂土地甚多開墾宜急今四方流寓輻輳應效建屬之鹽井衛柏香坪乾縣等處開墾事例

仰墾

聖恩照雲貴題定開墾事例則應募有人荒土漸闢邊鄙繁

盛等語<sup>臣</sup>等查邊郡荒蕪之地招徠開墾固屬善策但雷波黃螂新經設流與建昌之鹽井等處不同不可一槩招集流寓之人聽其佔地開墾該提督勘酌分別其久歸版圖墾戶計口授地新附者暫令夷人自行開墾俟安居樂業之後仍有曠土閒田再准流寓之人分墾庶絕爭端又查雷波等處向化苗民據巡撫憲德題請每十戶賞牛一隻并給稻種雜糧以資耕種應將願墾夷苗悉照此例賞給其招徠流寓之人亦應照川陝總督所請川省開墾借給牛種銀兩之例毋庸照雲貴開墾事例更開捐納一稱番

民風俗各以土司土目族類爲婚請預籌鈐制之法必先確查姻黨註入在官冊籍嗣後有定親迎娶者須向地方文武官報明如違勒令離異治罪等語<sup>臣</sup>等查撫綏夷眾惟因俗制宜使之得所若不先教以禮而遽爲拂情矯俗之舉則事既難行而法亦未善番民族類結婚習俗已久今一旦禁止勢所不能且從前姻黨令其報官註冊將來聯姻者於定親迎娶時俱令報明地方官未免煩擾至稱瞞官迎娶勒令離異更爲未便應將該提督所請毋庸議一稱雷波黃螂新設營伍有駐防兵目復因開墾招徠漢民



與夷猥雜處貿易或漢民騙詐抑買致成拉當巨案請設立場期令該管營弁稽查務令公平交易如敢私立陋規勒索科派以及誘買爲奴等弊應照建昌之例從重科罪等語<sub>臣</sub>等查開設場期委弁兵稽查係該管文武官自應辦理之事其私立陋規勒索抑買以及誘買苗猥俱有定例應令該提督悉遵成例行一稱苗民夷戶歷來不分姓氏或數十人同一名或一人三五其名遇事脫卸漏網請定鱗冊審其姓氏禁其遷徙着落該管頭目查究再苗民出入禁帶利刃併私藏烏鎗等物照建昌例科罪等語<sub>臣</sub>等

查一人數名不免脫卸之弊應令將姓名審定至漁鱗冊籍等事報造實繁今夷方新附似在可綏其攜帶利刃私藏烏鎗等物應照定例嚴行禁止一稱雷波所屬土司地方甚廣既經改土附近夷類應歸營汛管轄然千萬貫以下地方山林陰密奸良雜混查土婦沙氏諸蠻悅服著有勤勞委令安插約束其所生幼子楊明忠交馬邊營經管教訓俟長成應否代伊毋管理地方之處另行奏請遵行等語<sub>臣</sub>等查千萬貫谷堆魚紅天喜哈都魯等處應如所請將沙氏安插約束委千總職銜其幼子楊明忠令馬邊營

守備教之讀書知禮俟長成後該營詳請提臣會督撫具奏請

旨定奪

一稱雷波黃螂兵食皆由敘府而水陸運送俱艱自應改設折色請將當年徵納耕輸科則按名支放外其餘不敷米石照松潘南坪例每斗折色二錢四釐分撥官兵自行備辦俟招墾充裕日再爲核減等語臣等查雷波黃螂既設營汛則兵食務先籌畫該提督請將耕輸科則支餉兵糧其不敷米石照松潘南坪例折買應如所請計營汛兵丁名口分春秋二季於川藩庫內支發俟商通米賤時據實核減每斗

敘州府志

卷四十三

紀事

九

所支銀兩該撫統入該年兵馬奏銷冊內報部查核一稱甯番爲冕山咽喉門戶番苗出沒無常請添設官弁再西溪一帶直通阿都利哂爲各番出入隘口請於建昌鎮右營抽兵并守備移駐等語臣等查甯番爲冕山西南要地應如所請於冕山營內撥千把各一員馬步兵一百五十名移駐甯番其西溪一帶道接阿都利哂亦應如所請於建昌營抽兵一百三十名并令守備移駐至靖遠新設營汛令該提督將冕山所轄東南一帶夷人分定地界歸於靖遠營遊擊管轄一稱漢夷互交易應分別漢奸科條

嚴禁漢人爲土司代筆主文以致啟釁拉當窩藏劫奪諸弊仰懇

皇仁姑先行示諭再查夷奸有入涼山勾通情罪照漢奸究治等語<sup>臣</sup>等查該提督奏陳漢奸情罪詳悉開例通行示諭令其改惡從善倘教而不改則嚴拿按律治罪夷奸有犯者與漢奸同科毋得少縱一稱建南諸番惟阿都强悍現在土目聚姑原係沙罵土司安偉威嫡姪因阿都乏嗣土婦祿氏招贅聚姑管理地方既非阿都親生正派復性懦不能約束夷人不服阿都尙有親女舍喇羈管建昌昨於進勦阿都之際

敘州府志

卷四十三

紀事

十

調至軍前効力著有勤勞苗獮亦願屬舍喇管轄請恩旨量給職銜居住建昌協同土目聚姑夫婦管理等語<sup>臣</sup>等查聚姑既柔懦不能約束應如所奏以舍喇協同聚姑夫婦管理阿都事務至量委職銜之處俟舍喇辦理三年之後果能約束夷眾遵法守分該提督具奏加以副土司職銜兵部給與號紙可也以上十三條<sup>臣</sup>等據愚見議覆伏祈

皇上訓示爲此謹奏請

旨雍正七年六月十二日奉

旨依議

通志

嘉慶七年涼山生番滋擾峩眉雷波地方署通判周斯才赴烟峯一帶招募鄉勇防守並調前後土百戶業祚等令率蠻眾於夷地設立卡隘協力堵禦提督豐紳按察司董教增帶兵查辦由峩眉抵雷波俘馘首逆翦除凶夷邊境以甯

通志

嘉慶八年正月十四日涼山大小木杆等支生番復與熟夷互相勾結出巢焚掠前後營烟峯岡等處總督勒保派建昌道方積永甯道余延良敘州府知府淡士灝建昌鎮總兵張志林調阜和永甯兵七百餘名進勦生擒夷酋了沙責令土百戶阿甲業坐暨頭

敘州府志

卷四十三

紀事

十一

目烏卜等曉諭涼山生番將爲首滋事逆夷一二獻出同前獲之了沙挖黑等訊供正法

通志

嘉慶十三年四月十七日後營夷目烏卜神仗二蠻與前營三春令甲等糾約涼山大木杆小木杆阿合舍六等支生番焚掠獅子頭撒水壩甘羅壩月兒壩等處擾及雪山岡磨子坪蘆槁溪大有岡距馬邊廳城三十餘里嗣前營夷目三春令甲投首呼冤云並未滋事願隨官兵打仗出力總督勒保派永甯道余延良敘州府知府淡士灝參將李應元余得方都司龍必達馬良棟帶永甯瀘州等營兵五百名進勦生

擒庚乎令甲等十三日夷匪復焚掠油榨坪龍孔坪  
兩河汛等廕生恩騎尉趙璠拒賊陣亡勢甚猖獗總  
督勒保入奏奉

旨令提督豐紳按察司方積帶領松潘懋功等營官兵勦辦  
豐紳方積等帶兵先後斃後營夷業貴等一百餘名  
生擒聶必阿旺等三十七名首逆二蠻窮蹙投誠誘  
罪烏卜神仗逃往赤夷地方時總督勒保奉

旨親赴督辦五月初九日至馬邊適赤夷一乎等誘擒神仗  
建昌道鄭成基由峩眉派員解送馬邊軍營總督勒  
保磔神仗示眾烏卜遁入涼山生番地方時峩邊廳

嶺夷鹽井頭人阿得趕山坪頭人木薩大小板房頭  
人雙喀牛心山頭人熟機等搶掠歸化汛馬溜巖一  
帶民糧勢甚猖獗阜和協副將陞漢中鎮馬元帶兵  
堵禦提督豐紳按察司方積聞報遂移師先擊嶺夷  
由萬石坪進勦中厯深林密箐綿亘數百里焚夷巢  
無數直至峩眉太平堡與總兵馬元兩路會兵進勦  
復調重慶鎮總兵官唐文淑帶兵五百名彈壓馬邊  
地方十三日提督豐紳按察司方積督兵進勦趕山  
坪等支嶺夷兩旬之間將十二支夷巢全行掃蕩生  
擒數百人焚其板房一千餘所墜巖自焚者亦數千

人阿得木薩先後伏誅二十九日移師進發涼山地  
方涼山生番大木杆頭目挖海聶什小木杆頭目衣  
根及阿合頭目納資舍六頭目雙租等畏罪乞命併  
將後營滋事之首逆烏卜及附從滋事之生番小頭  
目克別聶薩挖拉黑都那扭五名及烏卜等擄去難  
民男婦二百七十三名口一並獻出訊明將烏卜二  
蠻及克別等生番正法隨令大小木杆阿合舍六各  
支頭目等回巢住牧其前營夷目三春令甲乞命投  
誠後經隨營打仗出力令其住牧之處遷徙六百里  
外並安插嶺夷赤夷二十五支改土歸流

通志

道光十七年馬邊夷匪滋事總督鄂山檄至命雷波  
廳文武議邊防通判門崇署參將李萬春會議以外  
委蕭連貴帶兵五十人至甘落三溪防守李萬春帶  
制兵二百人駐營於大小谷堆門崇招鄉勇二百人  
交李萬春管帶協助防守當是時雷波尙稱全盛疆  
域寥闊如長河埡西蘇角等處今日稱爲夷巢在道  
光時尙屬內地故萬春出防直至大小谷堆亦時勢  
然也萬春到防已逾一月夷眾尙安靜未動有黃螂  
司巡檢王如芬者辦糧站隨防見夷婦女七人經壘  
前過命縛之押送廳城通判門崇亦不詢其所以械

七人獻俘大府而其實乃恩札支黑夷婦女出外探親者也恩札本大支夷俗又重婦女聞失女事含憤刺骨遂集本族並煽動各支糾合三千餘人欲塌防軍營壘土司楊文密得賊信以報萬春萬春揣不能敵連夜退營羊子橋而夷匪已跟蹤追至先破糧站王如芬死之李萬春策馬先歸兵勇陸續潰敗陣亡百數十人夷匪乘勢四出滋擾烽火逼廳城土垣三版岌岌危殆門崇飛稟告急請兵赴援維時馬邊已用兵派建昌鎮總兵張必祿成都府知府謝興嶢會同勦辦至是雷波復叛總督鄂山令提督余步雲齊

慎按察使多歡同往雷波會商進勦以門崇辦事不力撤任回省命慶符縣知縣劉耀庚攝廳篆李萬春摘去翎頂以觀後效八月二十日劉耀庚到任視事續募鄉勇一千八百人命監生王名相文生盧應剛軍功陳應剛等分配管帶防駐羅三溪牯牛壩三稜岡馬頸子黑角等處九月二十日提督余步雲齊慎按察使多歡帶官兵三千八百名金川屯兵五百名先後馳抵雷波由那比汛進發先勦吳家壩羊子橋大小谷堆魚洪天喜斬獲無算乘勝抵夷車壩沿途搜勦並遣別將會張必祿之師於角落溪後山將阿

黑庚札吳奇等支痛加勦洗各支夷聞風膽落牽牛齎酒來營投誠並獻難民贖罪自誓永不復反兵威遠震越嶲阿都土司等亦復至營請降余步雲等會議以該夷相率求撫尙知畏威不足久煩兵力乃分別犒賞遣散歸巢自率大軍取道越嶲班師回省其餘未了之緒札飭通判劉耀庚參將李萬春等督率兵勇妥爲籌辦耀庚負邊材旣熟夷情兼習兵事其所募鄉勇一千八百名皆附近農民習勞善戰自余步雲凱旋後夷匪仍時出窺伺均被兵勇擊走十八年七月二十四日夷匪糾集四千人至三稜岡直撲

防營統帶鄉勇監生王名相謀定後戰指揮殺賊以四百人破四千之眾自是夷匪稍斂耀庚籌度邊防大勢以夷匪好亂本其天性大兵進勦不過勉強受降於邊事毫無裨益而亂且益熾若欲百年無事非大用兵不可乃通牒大府請厚集兵力多籌兵餉選將厲兵四道並進庶足以靖邊陲而垂久遠署總督蘇廷玉韙其言會同成都將軍凱章提督張必祿據情入告奏請撥餉三百萬調漢土官兵二萬人由峩邊越嶲馬邊雷波四路同時大進以爲一勞永逸之計奏上奏



嚴旨詰責以各邊夷務自來無此辦法原奏諸臣降黜有差  
十九年

朝命寶興督四川並查辦夷務寶興蒞任別議防邊長策增  
營汛添兵練修碉堡築城垣扼要設防令各邊廳繪  
圖以進劉耀庚會同參將盛世祥親歷夷巢周察險  
隘以三稜岡爲各路總口夷匪出入所必經宜設守  
備一員把總一員外委一員馬步兵練四百名馬頸  
子與三稜岡犄角宜設千總一員外委一員兵練二  
百名城北後山有小徑至三稜岡九十里宜於中道  
之乍溝設貼防額外一員兵練二十名以通道路是

敘州府志

卷四十三

紀事

十六

爲右營轄於普安參將又以黑角緊逼夷巢最關緊  
要議移存城把總駐防黑角添兵練一百三十名五  
寶山添兵十名又移牛吃水汛把總於羅三溪添兵  
五十名移虎跳汛外委於偏崖子添兵二十名均歸  
左營管轄又以長河壩吳家壩居民繁庶議築石牆  
衛之廳城土薄不足禦侮請改建爲石城以資保護  
議上寶興於奏定邊防案內據以入告均得

旨允行卽飭劉耀庚創建各營汛衙署兵房城垣碉堡估工  
請帑次第興修並派員督同辦理耀庚經營創始不  
憚勤勞至二十二年各工一律完竣邊事肅清鄉勇

遣散歸農營兵撤回入伍與邊民休息

雷波志

同治六年夷匪再判先是道光中邊事不職總督寶興於奏定邊防案內添營汛增兵練修碉堡建城垣武備既修夷患稍息時有土司楊石金警敏多智勤慎奉公每遇夷情變動或先事彌縫或臨事捍禦地方文武深倚畀之而濫壩子鄉團總王名相者道光時曾統帶鄉勇殺賊立功事平後充當團總卽以兵法部署團練保障屹然東林鄉鮮有夷警自同治四年王名相病故地方繼起無人團練亦漸廢弛該夷匪遂糾約爲亂始猶數十人或百餘人晝伏夜行乘

閒劫奪久而橫行無忌直糾大股破鄉場闖內地六年夏間夷匪一千餘眾犯牛吃水天姑密下竄黃海各鄉紛紛告急參將韓廷貴統領普阜三營兵練及各路團丁馳往堵擊並命土司楊石金帶家丁百人隨征至匡海壩我師敗績楊石金死之夷匪由是益猖獗不可復制紳民赴省求援總督吳棠派提督劉梅宣王聚蘭帶湘果兩營來雷防勦並飭補授通判楊澤溥蒞本任六年九月湘果兩營來雷營於城外五里之丁丁馬夷匪東西竄擾猖獗如故七年湘果兩營奉調回省楊澤溥稟請招募土勇五百名以資

捍禦由是創設雷威軍阮洪順爲管帶以二百名分駐要隘以二百名常川周歷以百名駐廳城聽候調遣此後布防周密略可支持而夷亂究不能止至十年春間該夷匪聚眾數千大股出擾將羅三溪中山坪兩地概行燒燬居民逃徙者萬餘家東北一帶膏腴地土荒沒無人居而夷患遂中於內地三十年之內無一日安居矣

雷波志

敘州府十三屬雷屏宜慶高筠興珙皆界連雲南先是巴夷自永善渡江大關一帶悉遭蹂躪滇匪李永和乘間嘯聚行劫於大關屬之下十六鄉大關下游

敘州府志

卷四十三

紀事

十八

與宜賓緊接壤慮其剽掠以防勇三百屬敘馬營千總趙三元管帶駐紮宜屬之新場以衛邊境九年春匪首楊副狗胡登高入場被三元擒獲正法而釁於是啟九月李永和遂由牛皮寨一路統眾入川連陷筠高慶三縣慶符知縣武來雨死之初筠連告急敘馬營都司徐璋率兵赴筠防堵戰於唐壩口因眾寡不敵傷臂退還郡城乃急爲守禦計時知府英滙宜賓知縣汪觀光飛稟請兵賊已由橫江徑渡安邊千總趙三元自新場退回命率所部兵勇屯紮較場壩同時平安營守備馬國良屏山縣典史王槐生隆昌

汛弁吳勲各屬兵勇先後到郡皆屯紮西關外城中亦募新勇二百名紮天心窩營盤山防守二十日賊突至戰於較場壩千總趙三元死之馬守備王典史皆被執兵勇民團死者數百人賊踞真武翠屏兩山圍攻郡城惟濱江三門賊不敢過猶時以賊伺江滸斷水道焉先是賊從慶符來沿江安置炮台詎知早由上游徑渡幸其尾隊由雙河場趨郡被教職趙樹萱趙樹楷等督團民截殺賊目鐵腳板謝副狗等餘賊散去乃命南岸宜慶八甲團民分隘固守爲郡城保障賊不得渡二十一日賊卽分紮弔黃樓犍嘉及

隆富入敘之路遂阻二十二日參將高克騫游擊明耀光督帶省標兵千名駛舟赴敘行至城北十里之石馬溪卽遇賊見賊少登岸接仗賊伏起不能歸舟先得至敘者僅三百餘人住城外湖廣館二十二日夕賊用木梯等急攻城城上用鎗炮火彈擊却之次日省兵入城住紮眾稍定方賊之未至也人不知兵城外居民紛紛遷徙幸六門嚴密盤查各街分段清理先於南街客店查得奸細爲高縣差役楊麻子暗鈎地棍擬賊至爲內應卽時正法賊至之日兵勇潰退者概令屯紮城外給予口食城內居民按段分守

堞口各街舖戶分守柵欄凡過道者卽相識必問去向有不服盤問者執之夜間看守尤嚴行者必執燈照驗事定後聞有奸細攜家早居城中者賊至不敢出恐被盤出故也城門用石壘斷高數尺防奪門每堞口置石板數大段凡賊攻城遠不足慮其用木梯攀附必重石乃能折斷毋取小石之擊遠也其後賊見明攻不克暗鑿地道城中則挖聽罈審所向以水貫之地道至濠而敗又製呂公車高於城數丈城中則設撞車以火標火箭燒之又制木炮城中以大炮轟之木炮亦自裂其後賊百計環攻城中亦多方策

應守禦之具最莫善於炮池池中三層安設炮位隨其高下一發不僅斃數人城上除雇泥木工預備折屋救火外凡守堞祇宜營兵民團中間招周鄭二勇目帶勇百名助守其周姓者卽欲通賊旋察知撤去又卡犯王海尤與馬號夫謀內應幸誤期早一夜打卡出經省標兵捕殺事乃平城之濱於危者屢矣大關唐友耕者原係良民徙居牛皮寨被賊過裹脅欲自拔出冬月初命人詣城下遞信以救馬守備王典史二人爲言令率所部居城外先破賊巢爲信乃於冬月十四率所部擊賊各營俱出隊助戰首焚華嚴

庵直撲眞武山斬獲甚多時南岸團民亦屢次渡江與賊接仗數有斬獲賊卽於十一月十四日夜遁去是役也守城五十餘日兵勇口食所費不貲城守鎗炮安能猝辦因咸豐初楚皖數省髮逆鴟張知縣楊柄鏗卽顧匠製造銅炮又數年知府李祐創辦團練局募捐存團本錢一萬八千緡養練一百二十名添製鎗炮軍器鉛藥若干件又防堵西陽軍裝過境稟請截留鉛藥數千觔是以有備無患措置裕如城守之功徐璋爲多勦辦團練城防諸役則邑紳李映芝劉書儔劉澤韓文昭李映宸王家椿李仲任盧薰盧

秉鈞鄧仲恒陳秉鈞朱一泉朱恕林際芳等分任之越二載乃有髮逆石達開之亂石達開由貴州入川眾號數十萬初入敘境長甯縣陷焉時知府孫濂知縣鄧友仁聞警卽閉門戒嚴其不能直撲郡城者總兵熊煥章之力也賊初入境制府駱秉章早調楚軍陸續至敘惟總統未至不能迎敵熊煥章乃奮起出隊兵僅五百名申刻由敘起程至兩江口夜已四更遇賊卽接仗賊潰由別道趨橫江時欽差張亮基亦駐節郡城聞賊警命所部楊參將將親兵趨安邊助勦先是安邊屯紮民團兵勇不下數千畏賊威不敢

渡擊楊參將至卽率所將百人渡小岸迎戰炮船亦隨之登岸殺數賊賊卽撤營沿江上竄雲南之副官村而制府皆先事預防至屏山則有唐大有義勇五千名禦之又上至雷波則有韓參將率所部綠營及夷漢民團禦之再上則爲涼山夷地於是賊繞涼山而西至大渡河已先有兵勇扼守賊急攻不得渡不數日賊行急糧盡而石達開授首矣至楚軍到敘時由井陘暫提鹽課供輸兵餉俾其速進則知府孫濂之力也

採冊紀事

咸豐九年滇匪李永和等竄入慶符界知縣武來雨

敘州府志

卷四十三

紀事

二十二

募勇往禦不克九月八日率黨入川陷筠連時承平日久民不知兵率皆紛紛遷徙十一日賊至高縣十三至慶符武來雨率其妾死之賊踞慶符三日擄掠一空十六日由賈村溪至橫江餘匪由復古場東下雙河場鄉人併力迎擊大敗之旋逸去團卒戰沒數人初賊黨僅千餘至是裹脅曰眾遂窺伺郡城二十日直薄城下邑南岸紳糧倡捐練團賊未得渡郡城糧道賴以不絕圍至三月之久官軍擊走之十月署知縣李忠清到任招撫流亡練團募勇時人心未定風鶴頻驚十一年春正月滇匪馬逆並猓夷先後竄

擾筠連忠清派典吏蘇寶林率團赴援寶林偕軍功  
汪玉龍偕團卒邱二龍等力戰死之夏五月滇勇千  
餘聲言投効突入筠城忠清集團分防高屬各要隘  
旋散去六月滇逆張五麻子由井研竄入黃沙河等  
處忠清率團禦之於南廣秋九月滇逆卯先鋒攔入  
宜界掠舟欲渡乃沿岸設防分佈小沱子風硎小岸  
一帶以大礮隔岸轟擊之屢有轟斃十一月屏山邱  
逆竄至福延溪等處忠清禦之於小岸十一年春正  
月夷逆竄擾筠高大肆焚掠直至紅巖山下慶邑團  
練因赴援各處聲威頗振賊聲言不敢犯及慶界然

恐漸次蔓延不得不痛加懲創忠清親督團追之先  
是賊至高界可久場一帶民俱逃至慶城邑人士捐  
米賑之及我軍出逃民大喜尋遷回我軍由高屬可  
久場及滇屬興隆場等處繞至筠城賊聞棄城走復  
跟追至巡司場大敗之救出難民數千獲牛馬衣物  
無算生擒老賊一名賊負痛疾奔受傷者沿途死亡  
我師全軍凱還自是夷患以息凡屢次赴援均係裹  
糧前往從未取鄰邑顆粒夏五月高邑何金瀧合潰  
匪李三級聚眾數千聲言赴府投効忠清沿路設防  
脅以兵威旋解散冬十月南溪匪徒張四黃地攔入



長邑安甯橋忠清禦之於沙河驛十一月知縣王績  
康到任忠清卸去同治元年春正月何金瀧等率數  
千之眾直犯筠界績康派團往援大敗之於石龍廟  
我軍陣亡數人二月張逆圍長甯城績康率團援之  
城圍立解我軍力戰軍功何國偲等十八人死之三  
月何逆竄擾珙屬巡檢司績康帶團往禦賊逸去夏  
四月張逆復擾長屬安甯橋績康帶團禦之於沙河  
驛吒口寺祭天壩等處不解甲者凡二十餘晝夜賊  
遠竄五月五日張逆糾髮匪石達開復圍長甯以地  
雷轟之十六日城陷賊前後連亘數百里十八日分

股竄踞珙屬巡司場及縣屬沙河驛並擾及兩江口  
許陳溝土地坎桂花坳等處烽火達縣城邑汛馬全  
忠先期帶團防禦戰歿於沙河驛羅洗塘團首曾允  
升及團卒死者三十餘人時城將告竣其未修處急  
以木器攔之逆焰滔天事幾不可爲矣會楚軍統領  
劉嶽昭及總兵熊煥章等軍分道來援大敗賊於兩  
江口沙河驛等處尋收復長甯城時滇匪卯逆回竄  
宜邑八角寨滇散勇林自清率眾入川投効滇邊餘  
孽復乘間竄陷高城慶邑守城防隘前後枕戈者凡  
兩月有奇冬十月滇匪從間道復陷高城擄掠而遁

高縣知縣丁良俊先期出防適石逆由滇入蜀陷筠連趨高縣良俊遇於綠蔭坎被執死之賊長驅直入高城再陷尋由高下黃水口績康先已飛稟乞援曾統領劉嶽昭前軍到敘州知府孫濂墊餉給之令其速援十一月朔由府兼程到縣卽派隊迎擊大敗賊於黃水口乘夜收復高城我軍卽紮營城中星夜運糧到高以濟軍食踰日劉嶽昭率全軍至賊已敗回羅家壩其大股由筠絡續而下知官軍在高旋北竄玉皇樓嶽昭以賊勢猖獗令慶團遠助以張聲威親督師迎之我軍陣亡者數十人賊前隊由玉皇樓竄

敘州府志

卷四十三

紀事

二十五

橫江大股接踵而去踞橫江兩月餘劉軍會合記名提督胡中和等軍併力合攻於十二月十二日擊走

之

採慶符志

咸豐九年九月滇逆李永和圍攻郡城分藍大順據弔黃樓拒各縣援兵去富順程不二日知縣胡汝開聞警急集士民爲守禦計派邑紳劉子章林以棕等築城垣張芝歐陽篤祐何占輔等募勇千餘名同汛官楊清璽越境駐宜邑象鼻場堵禦派舉人歐陽文俊辦糧務袁宏北汪少源王謙等繕製器械蕭文煜羅岳郭昌翰羅禮爲田時若張復興饒裕才等總辦

城守團練派劉助信宋述先張士林黃懷通張濬聰  
劉樹德唐輝萼等稽察各門出入派巷長數十人分  
段清釐奸細十月守禦粗備二十四日副將馬天貴  
督兵由中路直搗弔黃樓陣亡我勇由左路抄入弔  
黃樓縱火焚之賊知富順有備不敢竄犯十一月望  
之夕藍逆由老木崖上竄犍爲五通橋一帶總兵虎  
松林督兵追勦丐我勇爲前鋒數捷奪賊銅炮器械  
無算賊狂竄真溪十二月中旬楊清璽督勇擊之官  
兵潰我勇失利賊獲清璽不屈遇害張芝歐陽篤祐  
奪尸還仍駐防雙石鋪一帶于時郡城賊走柏樹溪

合藍逆勢復張竄觀音場五保鎮漸近邑西北界十  
年正月井地居民悞乞朱大令所帶張大同渝勇保  
廠勇至因餉滋擾大肆焚掠初四日賊乘亂由土地  
坡蜂擁而至鹽場遂陷我勇反在賊後井地週環數  
十里收蓄極豐陳設珍錯尤備賊屯謝家松林焚掠  
酣豢我勇於是繞出賊前截堵撲城之路蔣提督虎  
總兵傅總兵等蔽其竄省一面安營相持出隊小戰  
賊蹂躪月餘時渝勇潰據邑西陶橋肆行擄掠經舉  
人蕭博施廩生羅禮爲籌款六百餘金散之二月初  
旬胡汝開親督團勇趨助官兵進勦及中旬全股賊

竄走副將張萬祿截擊戰歿繡裁坡全軍俱覆血積成渠田水盡赤賊由榮威擾井研眉州峩眉陷名山大股屯五里灝餘賊四出五月中旬張五麻竄觀音鋪胡汝開令張芝歐陽篤祐督勇兜子山禦之賊斜竄橫田溪乘夜渡河欲由東路向城我勇星夜繞出其前遏之賊回竄隆昌知縣肅慶督團銳進戰歿十年六月賊眾數千由石灰溪渡河屯石貢寺將撲城知縣彭名湜令歐陽篤祐禦之方接戰大雨如注幾爲賊獲明日賊向響石山竄去蕭家三砦勇丁迎頭擊之失利蕭基渭鄒新鏞陣亡七月五里灝賊全股

出竄并地南溪縣知縣唐炯截擊之營于榮縣天池寺僅二千人賊以數萬攻之唐壁堅甚不能撼入夜潛令所部自山後數里外佯呼楚營兵至人持火燭問唐知縣營賊畏楚兵合擊宵遁是時賊半竄資州內江蘇家灣一帶賊黨張五麻子分陷榮昌永川九月中旬賊黨何興順萬餘人竄撲東街隔河施炮向城飛擊城上屋瓦鏗然有聲團總羅禮爲田時若蕭文煜郭昌瀚等督團嚴守值天雨連日城垣倒塌數處經團總等籌款數千金葺之城守賴以完備人不驚惶歐陽篤祐率勇施放先年所鑄大炮擊斃東南

岸梟賊多名鄧懷珍郭玉章江面施炮繼進賊始東竄九月下旬分擾各處之賊四面蠡擁嘯集牛佛渡眾殆二十萬四鄉遍地焚掠戕殺搜糧百里外距邑六十里避難人民滿城蝟集不及入城者皆挈家倉皇大小舟傍江岸如蟻附焉賊搜鄉里竹木梯百餘架將攻城彭名湜派團首丁萬和等率練由北路古佛坎乘夜奪回自九月至辛酉新正楚營兵至稍接仗至三月賊四面分竄六月周逆攻井地大安堡月餘井紳王余照督團擊却之監生王余垞追賊歿於陣賊遍塞井眼盡焚各井天車車房數路團練畢集

聲勢漸振及接仗賊逸去自西而南沿井河下擾鄧井關分縣請援名湜率團總蕭文煜等督隊千人至鄧井關次於溪岸賊勢猖獗將悉銳過礮衝突我師我團勇方嚴陣以待倏溪流泛漲丈餘礮板沒數尺賊不能逞鄧井關遂獲無虞八月賊復自南而東過鎮溪以上至半邊寺一帶將犯邑城江面郭毓樟鄧懷珍急督炮船邀擊轟斃東南岸賊數十人城外民團呼聲震天賊氣奪又自東繞北焚掠牛佛渡一帶名湜復率蕭文煜羅禮爲林和達同汛官尹祿移營北路葉山寺檄團追之殺賊無算團民亦亡數十人

西北聚各路民團絡繹而至賊野無所掠恐團眾會  
勦遂向下川東州縣遠竄是月敘馬營都司徐璋受  
賊目郭統領降解散脅從數萬人於雙市鋪井紳王  
余照顏懷惺王實齡等籌資量近遠以給路費使各  
歸籍爲良民是年春間官軍有定遠之捷秋冬官軍  
復大捷蒙洋場摧破賊眾凡十六七萬辛酉冬悍賊  
卯逆等復竄聚鐵山旋至八角寨官兵繞其後攻之  
頗失利壬戌五月名山舉人樊包率團過富順由花  
鼓場仰攻之歿於陣是年春間李逆自鐵山八角寨  
分支由宜賓南溪界過青桐坪官兵襲破之賊盡棄

輜重尙擁萬餘人竄踞天洋坪當是時瀘州隆昌團  
練皆集四月中旬彭名湜率團首雷升衢宗周歐陽  
宣陳福星陳厚山等進勦連日仰攻之斃賊無算餘  
賊七八千人奔竄欲仍與八角寨合各團練沿途追  
之截殺幾盡李逆乘隙遁回八角寨賊夥謝花么等  
以擾涪州一帶被官兵團練殲斃鶴遊坪餘賊亦先  
後就戮秋間八角寨賊竄龍孔場官兵跟踪迅追四  
面團練碁布圍之數重賊連日衝突不能出是時布  
政使劉蓉亦至軍梟賊悉被擒餘賊數千人盡誅之  
無遺類械李逆等至成都訊斬之滇匪平

咸豐九年滇逆寇郡圍攻五十日隆昌縣知縣肅慶  
聞報卽夜延招邑舉人彭達訓咨問防策援引舉人  
王炳森共司籌畫設防衛局以監生鄔文柱廩生萬  
邦翰司製造州同余繼書司收發監生黃賡廷袁繼  
芳楊隆順劉富隆司賬記贊襄諸務文生陳煥勳統  
帶新招義勇三百名遣汛弁吳勳帶前招勁勇一百  
有十名赴郡協勦陣亡三十餘人肅慶迺先後遣陳  
煥勳卿洪貴帶勇四百餘人前赴郡城救應以教職  
耿光貞司糧務住距府百里之黃沙河並親率團丁  
數十名督戰屢獲勝仗郡城圍解遂歸治守城具增

城鑿濠積本累石鑄大礮建臺置其上製劈山抬礮  
各數十環布女牆凡火彈火標火箭火鑽噴筒之類  
無不備次年六月賊由富順分竄邑境胡家寺傅家  
橋响石山劫焚肆戮肅慶檄調文生陳煥勳由牛佛  
渡會攻併會同汛弁吳勳親率管帶鄧忠厚劉助祿  
卿洪貴喻致中等帶團勇數百名馳救道驛子灘團  
首梁世芳等帶練百餘人以從諸團丁赴召者未至  
從勇行數十里且飢矣不及飯慶督之速戰賊故畏  
慶將遁會賊酋探得我軍虛實急率賊黨圍慶從者  
戰且死慶度不免揮刀斃數賊力竭而跌卽起迦坐

賊驟至慶罵之賊刃慶又罵之數賊併刃而刺遂遇害健僕常元連斃十數賊將負慶走爲賊刃擊仆於地及死猶以身翼慶同與難者二百餘人梁世芳梁家勲黃開芳及慶家人劉杰何才彭壽等尤拚死力戰以及於難九月李逆聯黨十萬結巢於牛佛渡其地富隆接壤長江如帶對岸坦遠賊砍竹伐木塔浮橋濶十數丈走馬結隊以通擾竄連營一百餘座周圍數十里署隆昌縣知縣魏元燮遵用肅慶城防條規增礮臺建水城晝夜環巡以資警備別使邑紳彭達詔藍朝元李成德陳端人等司察奸細而又取避

難之民城內所不勝容者得精壯三千餘人使沿城外築牛馬牆連棚其下人日給口食刻日操習命萬邦翰爲之統帶曾鼎南匡宗鼎爲之翼長是年十月逆黨數百由石鵝場竄擾驪子灘把總楊清和吳勲率同文生王章軍功郭占先等帶勇擊敗之十二月二十四日李逆分股萬餘人由西路龍市鎮北路迎祥街蜂擁攻城二日不克大肆焚掠而去辛酉正月初七日復分股五千餘人由龍市鎮來攻城歷辰至午諸練勇縋城與民勇協力擊退之二十日復分股數千由舊路來攻城城中結隊開門與民勇出戰大



敗之卽日圍解

採隆昌志

咸豐十年正月初李逆突竄自流井於時未有些堡民駭懼奔逃燒殺擄掠慘難言狀後被官兵擊賊退邑紳王余照陳南黃懷璣等始築大安砦以衛井廠是冬卯逆以數萬賊攻大安砦之南門斯時修築告竣軍火器無少缺砦居二千餘戶井廠雇工不下數萬人聲威頗盛賊攻砦不下遁去辛酉春賊梭擲過境來去不常商農歇業風鶴頻驚數十里內居民扶老携幼而來日以千計二月邑紳蕭鏞奉大府札以童家寺勇數千人衛井廠民心稍定七月十一日初

敘州府志

卷四十三

紀事

三十二

更周逆驅賊眾數十萬人四面圍攻砦垣賊中亡命千餘輩冒死抬雲梯頂板桶方棹迫抵牆脚我砦以石礮火彈噴筒灰鑽星飛擲下賊不能支黎明砦丁奮勇殺出斃賊不計其數生擒賊目五名奪獲刀矛及攻砦器具如山積分給砦丁十二夜賊攻如前爲鎗炮轟退十三夜賊猶整隊窺伺山麓忽雷雨交作火繩盡滅不果來二十一日舉人耿光祺耿光祐帶隆昌團練來援二十二日都司徐璋奉扎帶敘郡練勇入保廠賊燒東門對山營壘移扎阮家墳一帶耿練遂據其地爲營賊乘初到來攻我練及徐練同出

接應連戰兩日大挫賊鋒尋得報賊從大山鋪遁出黃懷瓚陳南蕭德昌等激眾截賊後隊奪獲戰馬十數騎刀矛旗幟三百餘件是役也周逆以十數萬眾圍攻四十日我練死事七人受傷四十餘人保全人民儲積無算前後斃賊不下三四千自後賊踪日遠

採富順志

咸豐十一年冬南溪張四亡地正洲何金瀧吳家壩蕭廣德等糾合滇匪戚維新蕭大辮子等萬餘人盤踞高縣之沐愛正洲經知縣張曾彥調集鄉練數千派把總葉萃防守平寨而自率武生梁正邦及慶符

敘州府志

卷四十三

紀事

三十三

南岸勇同筠連縣知縣李璠前往巡司場石龍廟駐紮同治元年正月初十日賊大股來撲兩軍嚴陣以待遣練勇分頭迎敵鎗斃悍賊殷先鋒陣斬賊黨多名匪遂大奔兵勇乘勝追殺死者相枕藉竄回沐愛由小道圍長甯破建武擾安甯橋萬里箐一帶筠高克全無害三月賊轉回由硎底至珙縣巡檢場高邑團總拔貢江呈瑞帶團防堵賊趨珙縣復由建武轉正洲老巢參將吳家春帶勇前來張曾彥與會沐愛時張四亡地與何蕭二逆分股二逆知無能為遂受招撫張逆竄黔誘粵匪石達開入境遂以同治元年

五月十六攻陷長甯命僞將李宰甫駐紮巡檢場思由高境入蜀知縣張曾彥委邑紳曾毓佐總辦城防調集團總江呈瑞閔紹棠周鵬颺梁正冠楊玉林等分紮桂花坳大芙蓉老王場薄刀嶺二十餘要隘賊來擊以巨石死者甚多訖不能上十九日楚軍統領候補道曾傳禮總兵熊煥章奉制軍檄各帶楚勇分紮桂花坳一帶二十二日擊退李宰甫六月十六果後營統領劉嶽昭會署長甯縣知縣敖立榜克復長甯追賊入於黔境其年十月石達開復取道滇境由鎮雄牛街竄入筠連二十八日高縣知縣丁良俊出

禦陣亡遂陷高縣劉嶽昭奉檄截勦甫到慶符聞高縣失守遂遣先鋒營王有德護衛營鄒復勝定武營曾紀鳳進勦自黃水口分三路一由沱田一由西門一由南門後山火彈火標齊舉喊聲震山谷賊奔竄官軍尾擊賊隊城塹自相蹴踏死者無算克復高縣賊竄橫江劉嶽昭遂紮玉皇場提督胡中和時奉檄親統湘果左軍六營圍勦攻克橫江汛雙龍場殺賊數萬人賊轉逃滇境此捍禦髮匪不能入川之大略也時滇匪未靖何金瀧蕭廣德雖受招撫其黨羽在正洲沐柔沐祥吳家壩時時陷害良民二年提督胡

中和乃移果左六營分紮筠高各路八月按誅蕭廣德而何金瀧恃正洲洞險負嵎不出間往安尾壩會合滇匪十一月乃檄湘果六營及新前營搜勦其時曾毓佐閔世卜萬國泰等帶團練隨營助勦二十五六日連破金子溝馬草坡四方洞佛龕巖各洞金瀧遁去獲其家屬擒獲匪首吳山亡何乏祥劉新大等數十名各鄉搜獲黨羽正法無算境內遂安其年冬滇匪入犯大軍克復沐柔窮追至安尾壩旋又攻破韓家山寨剩賊無多四年二月滇匪戚維春率十餘人由牛街大壩渡河劫掠筠連縣孔雀場楚軍統領

胡日祥集六營會勦敗賊於大落瓦知縣馬佩玖委曾毓佐調集鄉練數千分布要隘防堵斷其歸路楚軍遂圍賊於猴子山生擒首匪戚維春餘匪分押各營正法同治乙丑冬滇匪戚維新李開甲勾結鎮雄苗匪二萬餘人由牛街犯川復會合黔匪卿滿大及髮逆餘黨苗號各匪共四萬餘眾由滇屬柿子壩一帶分十一股合竄至高邑之吳家壩蔓延百餘里適大霧彌漫繼以霪雨提督胡中和率楚軍奮力攻擊敘州府知府鄧承彬親督高筠團協勦檄調琪興長甯各屬團練會營堵勦高縣知縣敖立榜率團紳江

呈瑞等督團由趲灘迎擊邑汛李成林率團總周熙等各團練由焦村猴子巖堵勦十一月二十二日賊由吳家壩竄沐愛楚軍三戰三捷賊竄由珙縣屬之上羅直撲建武營城陷胡中和急馳追勦三日夜直抵建武嚴飭弁勇會合鄉團乘勢圍攻攻破建武殺賊數千奪獲馬匹器械無數賊遂竄歸老巢川境蕭清丙寅春蠻匪又出擾川界胡中和親率勇團擊退慮兵力稍單復調駐永甯大壩之副右副後兩營紮沐愛與筠連之巡司場珙縣屬之落表高邑之正洲各營互相犄角邊防更嚴密矣

高縣志

同治元年髮逆石達開率大股竄陷湖北來鳳縣城復分股竄撲西陽州界經該州調團擊退賊隨陷湖北利川縣城總督駱秉章得報卽派總兵唐友耕已革知府唐炯等率所部赴重慶一帶堵勦並調桂字營水師炮船駛往堵截江面石逆由利川竄入陷石砮廳城旋退出搶渡過江先經飛飭沿河州縣將船隻概行撤退該逆不能渡江遂沿南岸上竄至涪州城外對岸山樑屯紮涪州知州督團會同章源所部勇丁隔河堵禦賊不得逞乃由小河踩淺偷渡三月初四直撲州城該州姚寶銘登陴固守十二日唐

友耕唐炯兩軍皆到適值臬司劉嶽昭帶果後營前隊亦已馳至該逆正挖掘地道意圖疾攻唐友耕等會商果後軍分三路進攻城內徐邦道亦率練勇出城夾擊大獲勝仗殺賊數千賊遁涪州城圍立解十三日劉嶽昭親率後隊抵涪城遂商定劉嶽昭唐友耕各率所部渡江由北岸捷徑馳赴重慶爲攔頭截擊之計唐炯所部仍暫住涪城防賊回竄賊知重慶有備遂由山徑橫竄一股由南川急趨貴州桐梓一帶石逆擁眾數萬圍攻綦江縣城該縣楊銘登陴固守賊屢撲城炮石擊斃賊匪甚多賊遂併力挖掘地

道四月十一日唐炯率隊追勦焚賊浮橋賊知官軍繼至遂遁時曾傳理紮合江扼賊上竄瀘州之路劉嶽昭紮江津以備迎擊唐友耕由重慶馳至與唐炯合隊該逆旣難回竄又知上游處處有備遂悉數統赴貴州仁懷境內由山徑潛行以出敘永廳占踞廳城四月二十八日向興文奔竄時張四黃地正圍攻江安縣城曾傳理由藍田急趨江安張四黃地聞風解圍先遁迎投石逆併力攻陷長甯縣城劉嶽昭馳至派隊嚴扼安甯橋賊屢來撲皆被擊退唐友耕唐炯率隊從興文轉戰而前賊旣不得逞於東北遂分

股竄至珙縣及高縣慶符所屬之巡檢寺沙河驛等處意將由西南以竄敘郡曾傳理熊煥章所部趕到五月二十二起至六月十六各軍分頭攻勦將賊各險隘卡壘攻破十七日會攻踞長甯縣之賊賊大敗官軍立將長甯縣城克復賊分三路奔竄意將牽綴官軍其前股竄至永甯經總兵吳安康督所部勦敗中後兩股竄至敘永之得用壩劉嶽昭追至殲殺甚多賊敗由二郎灘繞竄貴州仁懷其竄居合江先市場一股劉德謙曾傳理劉鶴齡等營痛勦其渡河奔江津之賊復經唐友耕唐炯等營截殺餘賊竄入黔

界蓋黔地瘠苦無食可掠賊注意於川欲回竄敘永則該處設備綦嚴仍由黔西竄入雲南鎮雄州一帶沿途裹脅賊勢遂張於九月二十四五日分五股由焦村竄入筠連縣十月初一日分股撲陷高縣熊煥章督兵趕至初五日收復高縣賊盡竄搶渡金沙江進窺敘州府時湘果三軍已由龍窰場拔隊馳至敘南遂調蕭慶高率所部紮水洞坎以顧敘南門戶何勝必紮屏山以防副官村偷渡上竄飭唐友耕疾趨慶符劉嶽昭馳赴長珙吳安康熊煥章兩軍亦赴敘南布置嚴密該逆無隙可乘遂於橫江左右聚黨數

萬夾河爲壘環築木城土卡中搭浮橋以通往來石  
逆自踞雙龍場而附近一帶遍紮賊壘意欲日久相  
持伺我之懈以逞狡謀遂嚴飭各軍進逼先拔橫江  
雙龍場兩處堅巢則餘壘自易十一月十九至十二  
月二十三日各軍分路進攻共計焚燬賊壘數十座  
殲殺焚溺賊匪二萬餘解散難民不計其數餘匪遁  
入滇境中旂一股闖入會理州查敘西至甯遠紆折  
二千餘里路徑如梳若官軍入滇追勦不惟軍食惟  
艱而石逆最慣乘虛深虞兵由此往賊自彼來是甯  
遠之援旣難稍緩而敘南之師不宜驟分遂飭令唐

友耕熊煥章兩軍仍防馬邊屏山一帶而以湘果果  
後渡過橫江由西岸爲截擊迎勦之師調朱桂秋秦  
華祝等率所部由雅州馳赴甯遠爲相機迎勦之計  
石達開自橫江被官軍勦敗卽竄入滇境李復香一  
股自副官村敗後亦竄黔境中旂賴裕興一股已先

竄至會理州均以次撲滅

探駱文忠平  
石逆事畧

同治二年提督胡中和親統楚軍屯筠連木抄壩旋  
移紮治南五里之大坪築土城與縣犄角以右營總  
鎮洪金元屯巡司場以副中營總鎮陳再益前營總  
鎮劉名從後營總鎮唐桂林分屯珙邑落亥以左營



總鎮王聚蘭分屯高邑正舟縣境獲安同治七年楚軍遣撤總兵張祖雲統新字兩營接屯大坪及垌邑落亥以裕字營屯高邑正洲八年以總鎮梁安邦代之同治九年新軍調黔前雲南提督唐友耕統振武全軍自昭郡凱還卽就紮焉

筠連志

光緒元年雷波夷匪復大亂先是吼普支有逆夷格曲潛入內地經團民捆縛送官暫囚夷卡後因同類口角自縊身死其本宗無異辭吳奇支黨眾且悍久蓄叛志遂以復仇爲民率眾猝至三稜岡焚其街市署右營守備吳廷彬素以恩結諸夷按兵不救賊旣

得志乃結聯各支聚眾數千出田家灣逾萌子岡與右營緊相望廷彬見賊眾仍不敢擊賊踰此險遂分股竄各鄉而以悍卒千餘人至牛吃水踞蓮花石而陣通判徐浩聞警報會商署參將馬懷珍調左右兩營兵百人同雷威軍往禦後聞賊勢大捐資招募鄉勇陸續赴援旣集牛場土司楊德壽土目國玉明入賊中關說許給銀物價格曲命價諭令歸巢夷眾不從越日議戰兵勇爭赴殺敵雷威軍哨長陳其祥率二十人先登至山半遇伏狂呼震天其祥驚懼不知所爲二十人同被擄後隊見之卽反奔紛紛敗竄右

營兵五十人素稱敢戰至是亦敗賊追至田壩擄殺百餘人由是東擾黃螂及天姑密南至中興場鳳凰鄉迭焚苦蒿乍溝大漢漕那比等汛蹂躪徧十八鄉無得脫者總督吳棠派總兵邵永齡率經武營至雷波防勦甫抵黃螂賊糾千餘人來犯永齡率部出擊奮勇衝殺斃賊數十人賊稍卻永齡暫駐黃螂而賊仍紛擾不止適大府遣人刺邊事知賊未歸巢廳文武齟齬不和未足深恃乃將徐浩撤任而以吳之桐代之添派胡統領國珍率武字副前營知州張世康率達字右營同赴雷波相機勦辦國珍先至黃螂會

合經武營節次掃盪直抵廳城世康亦由敘南馳至暫駐牛吃水搜勦餘匪逾月提督王聚蘭奉檄來署普安參將招勇五百人爲湘果營秋七月大軍齊集進紮三稜岡大破賊於馬卧漕溝內賊敗退以全力守田家灣滾木擂石皆備田家灣者諸夷之門戶賊之所必爭者也八月初四日各軍及兵練團勇拔隊進攻武字營幫辦唐珊峯首先陷陣手刃悍賊數名各營乘勢分道截殺連戰三日夜遂攻克田家灣附進諸夷叩首請降唯負主寨夷酋恃其險阻抗不卽服各軍移師進取力戰環攻遂將負主寨一鼓攻克

乃設法撫內外二十一支相繼投誠唯恩扎支遲遲  
乃到當卽聞皮設誓永不復反各營振旅旋廳議辦  
善後吳之桐張世康會議創設土千百戶以示羈縻  
遂班師留經武一營駐雷防守

雷波志

光緒六年七月十三夜夷匪突至山王廟焚燒隘卡  
勇不及救兵不及防至八月初六遂糾合數千白晝  
由豆沙溪大道擾那里溝下較場壩直逼廳城廳民  
閉戶號泣勢頻危矣幸軍功許洪順於迎恩橋畔殺  
斃悍夷一名賊乃退回山王廟而城幸保全溯自元  
年夷眾投誠後仿照峩邊越嵩章程創設土千百戶

以示羈縻復稟裁廳勇二百名樽節帑費自茲以後  
挾千百戶以箝制諸夷誠爲邊事之一得然夷性犬  
羊貪利好亂父子代爭兄弟相奪各欲爲千百戶而  
後已不得則滋事以要之故我方挾千百戶以制夷  
而夷則因千百戶而長亂核其禍亂之由得失亦覺  
相等而地方官經費驟減領欸無多旣須歲賞以撫  
夷又須防患而募勇挹彼注茲左支右拙遇有變故  
勦撫皆難此邊事所由日棘也當六年春間夷人蠢  
蠢欲動已露端倪而夷卡聽差夷目又復逃逸十餘  
名勢必生亂通判趙席珍到任未久於夷務不深悉

經武營駐防日久視夷務爲固然普阜營兵則分防各汛僅能自守因循旣久至七月三日糾眾五六千陸續由三稜岡分股外犯右營守備張世傑選精兵五十人伏萌子岡邀其前股戰兵李世泰力戰陣亡劉大富出入重圍身受重傷終以眾寡不敵敗退賊遂焚乍溝汛逼廳城犯黃海七八兩月時出時歸蹂躪無忌兵勇顧此失彼往返奔波廳民死亡流徙無所控訴廳文武會稟請兵廳紳吳洪晏亦赴省求救總督丁寶楨派松潘鎮總兵李培榮率所部壽字各營來雷勦辦九月管帶副前營副將劉鎮湘管帶中

營副將李修德管帶後營游擊汪期紳管帶鄉導勇都司黃仕明隨員副將張占鼇參將楊斌守備郝錦富等先後至雷波分隊搜勦夷匪漸次歸巢培榮督各軍移師三稜岡爲進攻計先克田家灣添募鄉導四路進勦連獲勝於雙土地黃葛坪夷酋楊曲哈朱黑達等來營求撫十月十四進勦負主寨連戰克之餘匪由母狗坡遁入涼山大小谷堆庚札阿黑等支恃其險遠負固不服時值嚴冬大雪封山培榮激厲將士步步爲營層層進逼二十六日天稍霽密令李修德劉鎮湘選精銳埋伏要隘二十八日培榮率汪

期紳黃仕明等分頭攻勦逆匪悉銳抗拒守備黃仕瀛外委丁高全等相繼陣亡仕明憤其弟仕瀛之死賈勇前進陣斬夷酋牛啞阿搆各軍乘勢進攻相持半日李修德等伏兵齊發兩路夾擊夷匪紛紛敗退遂克大小谷堆復撥兵分勦羊子橋負主寨等處至次年正月各支夷相繼來降二月十三日闖牛皮設誓永不復反遂班師辦善後事宜改經武營爲鎮邊營令副將張占鼇管帶仍駐防雷波並留副前營及中營協同防守至八年而夷眾復叛

雷波志

光緒八年熟夷勾結生番出巢滋事廳城附近多熟

敘州府志

卷四十三

紀事

四十四

夷烏角汛外爲胡姓支夷住牧約七八百家直達於黑角汛界南則千萬貫爲土舍楊世貴屬地毘連徐馬兩支東則牛吃水之八寨國盧諸夷與漢人雜處此類皆

國初時投誠納土衣服言語仍沿夷制其人良莠不齊與涼山諸夷互結婚姻往來不絕桀黠者每引誘爲亂兼自同治以來夷匪積年滋擾所擄各邊丁口不下萬餘人皆役屬爲奴指所擄漢人婦女轉相婚配是以近來涼山生齒日繁亂日益滋皆此輩爲之導也八年以前夷眾初無釁端突於正月六日糾結二

千餘人分股竄擾以數百人由那比汛至大坪子將逼廳城副前營管帶劉鎮湘派差弁蘇殿侯率十四人據險邀擊兵敗被擄乃續派百人守青杠林夷匪知城內有備遂下擾江邊一帶至迴龍場焚毀場市並破數碉其破碉也積柴薪於外用火焚之人在內不能堪皆炙灼以死夷去啟視屍骸枕藉望之皮色如生人而肉盡腐爛手不能舉但用土掩覆之慘毒不堪言狀其大股則由後山出牛吃水至磨刀嘴山梁欲犯獅子坪蘿蔔苳等處定邊營督帶張占鼇率親兵百人往擊甫至山半夷眾呼噪層次合圍占鼇

故振武軍宿將見賊眾不可與爭鋒令軍士執洋鎗團伏以待鎗不及賊勿虛發賊易其人少直前衝突鎗發斃數人勢稍卻移時復進再擊之連斃前鋒悍賊賊度其終不可犯乃引去占鼇隨後掩擊殺傷甚眾由是大股退回老林而以零匪分擾各鄉兵勇紛紛救援卻無停趾蔓延不可收拾署通判李中敷署參將蔣繼榮再請兵進勦候補知府張世康奉檄率所部達字左營督辦雷波夷務並檄調管帶壽字右營參將何炳元隨之進勦撤劉鎮湘張占鼇回省以副將劉喜一管帶壽字副前營以游擊李鴻順管帶

定邊營均歸世康節制世康在川邊多年於夷情之向背邊事之得失皆體察周知所部士勇樸實耐勞踰越蹊徑不畏險阻其治軍亦最嚴整倉猝遇敵不返顧不驚惶賞罰嚴明將士用命故在邊多立功績八年三月至雷波諸軍畢集留劉喜一一營駐廳城衛根本並防黃螂竄匪通判李中斨率雷威軍保後山大道護運軍糧以署參將蔣繼榮沈勇有謀命帶普安兵百六十人隨征並稟調峩邊營把總王春芳署右營守備布置既定飭諸軍陸續進發月杪畢會於三稜崗用鵬勦法相機進發原夷巢以涼山爲正

穴其大支族類皆傍黃毛岡山梁而居其地最爲險遠其夷眾尙稱蠢樸近數十年爲邊患者皆母狗坡負主寨奴云寨小溝挖沱寨諸夷與黑角馬頸子相逼處其出擾旣易其歸巢亦易此外則大院子支夷界連屏馬凡各支之游惰無業及凶悍好事者皆竄集於此黃海各鄉罹禍最酷世康揣量地勢賊情命左營幫辦游擊駱宗保帶營勇百人營於田灣扼守涼山門戶以防衝突兼絕諸夷應援之路然後命哨長田金魁冷洪高各帶百人由黑角汛渡河分紮油羅岡堅築營壘徐圖進攻署參將蔣繼榮帶普安軍

駐黑角汛隨時策應參將何炳元帶壽字右營駐馬  
頸子與諸將犄角相援而自率親兵及李洪順一營  
駐丁家坪子調度一切五月分軍擣長河塢乃昔年  
漢人所居場市整齊人烟稠密自道光後淪沒於夷  
夷人數百戶零星雜處中多不法悍夷見我軍既至  
亦卽分股迎敵該匪蓄銳既久凶猛異常左營勇丁  
袁占標登時傷斃哨長李鴻順及幫辦守備張世信  
等乘勢猛攻多用洋鎗轟擊夷眾不支四散敗走我  
軍從後追擊殺斃悍匪多名將寨棚一律平燬奪獲  
器械無數以夷盔一頂呈於大府方擬乘勝進勦諸

巢維時山水暴漲我軍前日渡河而營者皆因河水  
阻隔糧運艱難不能進討又聞大院子之夷有糾眾  
來援之信世康乃命駱宗保帶百人駐東林鄉牽綴  
賊勢以李鴻順移營田家灣填紮舊壘並飭蔣繼榮  
於西蘇角河造橋濟師繼榮擇上下流水勢平緩處  
督同署黑角汛把總孫兆齡造三木橋橋成世康命  
張世信會商蔣繼榮並油羅岡各軍進勦母狗坡坡  
前一綫單梁山勢險窄不能容大眾夷匪在半山修  
柵拒守滾木擂石皆備世信與繼榮定議以榮勇攻  
其前以制兵繼其後是日世信率哨官冷洪高田金



魁張占烜向華庭楊德全等各帶勁卒數人分數路  
蟻附而上兵勇大隊隨後繼之山上矢石如雨我軍  
隱於石罅內俟石過然後起午後遂抵柵前該匪以  
數十人出柵迎敵手執長刀死戰不退適遇壽字右  
營幫辦參將張善安帶營勇百人由馬頸子渡河攀  
藤附葛繞出坡後該匪腹背受敵勢漸不支張占烜  
乘勢搶入寨前砍倒木柵我軍一擁而入前後夾擊  
斬黑夷八名白夷數十名餘匪受傷者或從山後逃  
或身裹氈衣墜崖而遁天色將晚縱火焚寨收回各  
軍越日勦白崖灣冲天巢等處連獲大勝耀兵至小

溝口子而還世康亦由田家灣進兵督李鴻順等攻  
漂漂石竹槁窩皆不煩兵力所到迄降惟挖沱寨山  
崖陡險回於母狗坡我軍奮勇直前該夷懲於母狗  
坡之敗不敢拒敵遂奪其險要斬馘多名由是馬頸  
子黑角及三稜岡附近諸夷一律平定世康席累勝  
之威復抽調各營精銳進勦涼山皆裹乾糧捲旗疾  
走行抵大小谷堆地勢平衍夷寨稠密我軍將用火  
焚燒而其黑白夷酋環跪道左泣求免死時至冬令  
大雪滿山我軍無復後繼兼以該夷深知畏懼不戰  
而屈乃允其投降將得力黑夷帶回三稜岡聽候區

處十月內外二十四支土千百戶及黑骨頭男婦大小數百人齊集三稜岡世康會商新任通判周鳳藻署參將蔣繼榮署右營守備王春芳土司楊德壽擇日受降飭各支夷闖牛皮刑牲設誓永不復反並令出具甘結聯環互保又以庚札支舊設千戶一名百戶十名平時不能約束娃子屢出滋事特將百戶五名革去以示薄懲外有小溝孃花兩支新到投誠自遠來附賞設百戶二名用示懷柔之意各支夷帖然畏服無有異議當卽賞以銀布鹽酒等物諭令歸巢惟留土千百戶及得力夷兵在雷波廳衙門聽差隨

卽酌議善後章程以雷波各屬分爲上中下三路飭各支分路認保何路有事卽以何支是問至諸夷出城交易以及他處探親必須在三稜岡黑角汛扯取路票如無路票卽係生番軍民格殺無論又議諸夷不得妄殺平民如妄殺一人議賠命價銀五十兩在每季夷餉內扣除漢人妄殺夷人者亦如之各支夷均復遵議大局粗定世康先稟撤劉喜一何炳元兩軍回省留達字兩營駐雷波以資防範十二月世康回敘防張世信李鴻順移營東林鄉會駱宗保軍進勦大院子九年二月李鴻順等先後進發駐軍於貓

兒蕩將抵賊巢該夷糾悍匪百餘人潛伏山頂欲乘隙毀我前敵營壘駱宗保探聞賊信卽帶勁卒五十人由樹林茂密處隱身潛行突至山頂舉放洋鎗該夷不辨我軍多寡驚惶亂竄立斬悍酋七名受傷者不計其數自是該夷膽怯不敢出戰且將輜重婦女移於深山箐林李鴻順等會商我軍以二十人爲隊身帶乾糧扒山越嶺四出搜勦時發其窖藏閒逸獲其婦孺該夷窮蹙奔竄無所安處然猶不肯出降四月蔣繼榮帶普安兵百人由石角營進發聲稱助勦張世信亦復督兵向前進紮諸夷慮我軍深入無已

其夷目甘糯米庚兒石圖率黑夷數十人至軍前乞降五月通判周鳳藻會屏山縣知縣譚西慶於東林鄉同各營主受降議撫仍飭各夷闔牛皮刻木設誓並留黑夷在雷波廳屏山縣兩處聽差藉資鈴制諸夷俯首允議乃賞以銀布各物而去雷波全境軍務至是一律肅清張世信李鴻順均各班師出境數年之內邊民休息

雷波志

光緒十六年夷匪再亂自九年張世康之凱旋也率達字副前營出雷波移駐屏山之撕栗沱地自是雷波無防勇武備空虛逆夷蹈我之瑕每欲乘間思逞

猶幸邇時地方文武戮力一心和衷辦理邊事有條不紊署右營守備王春芳在門戶之前遇有著名悍匪必設法生致之送交雷波廳卡禁管押當是時在城囚禁者百有餘人通判周鳳藻挾重質以制諸夷操縱自如通巢在握各支遂帖然不敢妄動厥後瓜代不常官斯土者每一年而去既於邊事不暇深求而得力諸夷或替換歸巢或隨時省釋我既失其箝制彼卽肆其憑陵至十六年而亂作矣先是阿黑支黑夷和合因事進城酒醉後墜樓身死及吳奇支黑夷六圖在城聽差染病身故兩支夷隱萌叛志皆欲

藉事生變廳文武隨事撫馭已各安靜適有小溝補卽支黑夷風簸素爲不法常縱其家奴在千萬貫一帶劫掠平民團總簡良貴集團禦之曾斃其一匪風簸借此挑動各支復命同族黑夷魚姑至西昌夷地糾集悍匪千數百人分頭出擾二月十七至千萬貫石板灘等處攻破碉堡十一座恣意掠殺通判施毓齡署參將謝金誥派兵勇往援該匪遂折回老林另由他道分股出擾閏二月十九乘夜犯牛吃水鄉掠去男婦三十餘人謝金誥素習邊事體察機宜因用以夷攻夷之法命土百戶丁成龍朱木姑等各帶家

丁數人隨同兵勇潛伏要隘邀截叛夷歸路行至吳家壩果遇風簸魚姑驅所掠男女回巢兵勇迎頭截擊奪回難民十八人餘匪四散奔走兵勇深入重地不敢窮追將難民帶回廳城嚴防各隘月杪夷眾分擾海腦壩青山鄉**狎**子壩天姑密各處並穿所奪團民號衣夜襲黃螂均經兵勇擊退維時賊勢蔓延此擊彼竄兵勇往來策應奔命幾疲廳文武會稟各憲請兵來援敘州府知府王麟祥知賊勢已成廳民塗炭當卽據情轉稟並會商駐防敘州府達字營統領總兵馬朝選就近撥兵往援適提督唐珊峯亦奉檄

帶達字右營都司姚振邦帶長勝右營分赴雷波相機進勦均歸馬朝選統辦三月十八二十等日兩軍先後抵雷波馬朝選亦率精兵兩哨由敘防馳至定議以姚振邦一營駐防黃螂唐珊峯撥前左兩哨駐防牛吃水馬朝選駐城內居中調度各營勇爭先用命踴躍前驅遂將各路股匪截擊歸巢其餘竄伏老林者復會同廳勇營兵四出搜捕斬馘無算而右營兵亦在雙碑垵施家廠向灣各處連獲勝捷生擒悍夷自是匪蹤稍斂馬朝選會商文武傳集各支未叛夷目散放夷餉曉以利害喻以恩威令其各安本分

各夷目遵奉約束無異辭唯補卽吳奇支畏懼不出馬朝選於散餉後率所部回敘防留唐姚兩軍駐雷鎮守該夷聞統領旋師疑我兵力單弱魚姑風簸約同吳奇支阿車糾集悍匪一千數百人由竹耳窠竄牛吃水踞蓮花石山頂下窺場市勢甚猖獗廳文武疊聞警報當督兵勇守城營官唐珊峯率幫辦劉政高帶中哨馳往援擊既抵牛場見夷眾漫山徧野屯聚如蟻鄉民扶老攜幼號泣奔走珊峯因戒其部下曰事急矣若今戰而不勝賊必下竄不特牛場無子遺將闔廳皆受其害今我分軍爲三路前後夾擊互

相應援但能破其前鋒其後股必反走可獲全勝賊雖多無能爲役也乃命駐防牛場之前左兩哨潛往蓮花石山半埋伏自率中哨當其大股該夷恃其人眾蜂擁來撲圍我軍數重珊峯命軍士四面迎敵施放連環鎗礮已斃其前鋒數十人猶復拚命抵敵前哨長唐振聲揮刀陷陣手刃賊渠各軍士亦奮勇直前短兵相接鏖戰移時而前左兩哨伏兵已由山半殺出該匪前後受敵登時潰敗生擒黑夷曲曲白夷格租斬馘九級奪獲刀矛無算餘匪受傷逃竄適天色將晚收軍回場居民在道聚觀感激泣下是役也

夷匪死亡百數十人其黑夷傷斃者尤眾回巢後各支集議立誓復仇以吳奇支爲之主六月十九日攻濫壩子汛及柑木坪並分股圍黑角斫折我禾稼殺掠我民人魚姑復至西昌阿六馬家搬來悍夷洋耗兒率領一千餘眾新舊並力疊出狡謀二十日夜以大股圍三稜岡分股撲馬頸子右營守備戴炳勳登城固守與賊相持比及天明見賊勢稍怠乃命把總沈正義外委劉大富帶兵出城分道破碉夷匪驚潰由田家灣山路遁去其馬頸子之股亦經千總李廷傑外委吳占高力戰擊退越日通判施毓齡署參將

謝金誥分派兵勇往援聲勢稍壯然仍時出時沒牽擾各軍廳文武會議以該夷屢敗之餘猶復逞其狂謀不知悔懼若不深入痛勦終難望長治久安因一再陳請添兵進勦大府據實

奏聞當派提督劉玉田率先鋒營赴雷助勦檄馬朝選再至雷波節制各軍統辦夷務命謝金誥招土勇三百人爲鄉導七月二十六日馬朝選抵黃螂適駐黃營官姚振邦大獲勝於海腦壩之徐家崖轟斃夷匪四十餘名生擒黑夷普子斬首三級奪刀矛無算救回難民六人均解至統領軍前獻捷次日馬朝選仍

飭姚振邦率所部六成隊伍會同團總錢發魁吳正暄由徐家崖一路搜山並派委安阜營都司吳以忠黃螂司巡檢曾傳葆紳士徐星漢等分率兵團隨同策應另派部下衛隊哨長張占烜楊炳光率大隊由額窄溝進發至曹家埂突遇夷匪數百人我軍兩路夾擊哨長趙孟謙張占烜等奮勇先登生擒白夷黃蠟兒鎗斃百有餘匪其餘墜崖落澗者無數姚振邦吳以忠等得勝回防馬朝選於八月初四日至廳城指揮各營併力防勦賞罰嚴明將士無不用命又建懸賞購夷之議無論軍民皆準其殺夷自效優予重

賞軍士聞之勇氣百倍九月中旬謝金誥命鄉導勇密偵賊蹤探知該夷糾集二千餘名盤踞田家灣山頂馬朝選與各營商定以謝金誥率戴炳勳徐鉞分帶左右營兵會同劉玉田先鋒營攻其中路施毓齡率廳勇團練攻其左唐珊峯與統領衛隊攻其右九月二十七日各軍陸續會齊三路並進該匪猶以大股分路迎敵適姚振邦吳以忠搜山到雙碑垵急督兵勇直前助戰夷眾不能抵敵四散奔逃各軍擒斬無數乘勝將秦家梁子蠻棚數百間悉行焚燬餘匪敗踞葱子坪雙土地白崖灣等處謝金誥劉玉田率



兵勇踰河而攻直上葱子坪生擒督隊悍夷百戶達  
曲施毓齡勦雙土地姚振邦勦白崖灣皆賈勇直前  
沿途掃盪馬朝選察知各夷畏死逃匿其膽已寒因  
督諸軍四出搜勦唐珊峯擒獲夷女二名最爲夷俗  
所貴重劉玉田謝金誥復於母狗坡山頂生擒悍酋  
慈噶乃夷巢著名巨匪由是兵威大振遠近讐攝各  
支夷陸續來降唯小溝補卽支持其天險抗不卽服  
營務處徐春榮以機不可失命諸軍速圖進取馬朝  
選乃令謝金誥唐珊峯劉玉田各率部勇連營黑角  
規取小溝謝金誥當卽善撫已降諸夷修治道路爲

我鄉導稟於統領添調長勝右營及普安三營制兵  
雷波廳廳勇團練會同進取數道並攻十月二十五  
日立將小溝攻克連破二坪子仰天窩等處陣斬黑  
夷百餘名生擒二十餘名轟斃黑白凶夷二百餘名  
魚姑風簸受傷潛逃其本支黑夷瑣簸必摸等帶集  
子姪家奴至營前乞恩免勦誓願投誠永不復叛馬  
朝選見其窮迫哀懇始允其降遂撤各軍回廳城方  
議受降招撫而施毓齡已積勞病故屏山縣知縣譚  
酉慶捧檄來代馬朝選乃於十月初七日會同文武  
將弁傳集內外二十五支土千百戶夷兵夷目大小

頭人闖牛皮立盟誓取具聯環保結認保各頭隘口  
遵奉舊章永不復反謝金誥同譚西慶反覆開導宣  
示

朝廷威德從此宜革面洗心毋背盟誓毋樂禍亂各支  
夷俯伏聽命乃賞以銀幣牛酒而去夷務既平各軍  
班師惟留唐珊峯率達字右營駐雷波以資鎮守十  
七年二月署通判孫培元病故通判秦雲龍來攝廳  
篆履任後卽整頓邊防十八年夏六月巡歷各鄉村  
凡人迹罕到之處皆親往閱視乃酌量形勢於東北  
五十里之分水嶺修築隘卡撥廳勇駐防以衛道路

敘州府志

卷四十三

紀事

五十七

昔日流民聞風爭集自東林鄉至濫壩子百餘里內  
膏腴地土逐漸開墾居民千有餘家九月復至狝子  
村傳集遺黎新設場市來歸者已二百餘戶

雷波志

外紀

附

宋張世南游宦紀聞敘州宣化縣出玉曰宣化璞溪  
源出黎雅大渡河其品最高有胭脂標瓜萸標琢爲  
器物白若凝脂非精鑿者不能辨

明劉顯江西南昌人生而膂力絕倫稍通文義家貧  
落魄欲自經神護之不死間行入蜀冒籍爲武生嘉  
靖四十三年宜賓苗亂巡撫張臬討之顯從軍陷陣

手格殺五十餘人擒惡首三人諸軍繼進賊盡平歷官至總兵官戰功最多征掌都蠻平九絲城皆其力

也

摘錄  
明史

樊一蘅生時父垣假寐庭中忽見居士向自鸞徑入內宅驚寐隨使人往問自鸞果於是日寂死生時刻俱不爽

見樊氏  
家傳

劉之綸早識將才唐通於負販中故敗後通援先至收其屍而還

見劉氏  
家傳

朝陽洞碑額篆正眼源流四字文云月明大師得法於鐵牛傳大慧心印兀坐朝陽洞二十餘年待其人

敘州府志

卷四十三

外紀

五十八

而後行飛雲吹萬師翁獨得其宗旨繼往開來今有我師鐵壁矣水部尙書郎熊汝學亞元沈奕璋爲大師之傳法子也水木之思勒石垂遠

月明師坐化朝陽洞肉像現存

天生橋治西北八十里一石橫溪高三丈許濶二丈許下空丈餘不事人工永爲利涉有碑剝蝕不可辨仙湖洞治西北六十里明正德四年明經劉堯臣致仕歸遊青山遇馬萬春自號耕樂人與語甚相投合遂詣其居見居旁石洞幽邃瀑布垂巖前有池週里許深不可測樹木叢蔭大有佳致堯臣詢其名答曰千口洞乃易之曰仙湖洞書而識之

活虎灘治西北一百六十里泥溪西岸灘甚險惡一山逆踞江心形如虎坐石灘上有天成活虎四字欸識不可辨今已坦夷更名太平灘

危天眷遵義府進士 國初任敘州府教授家於宜賓買田黎湯鄉三溪口無子創修文昌祠卜葬祠前夫婦同穴施田十餘畝收租十七石載糧四錢二分一釐鄉人經理以爲春秋祭需

落星石治北流盃池石峽中圓石嵌壁半隱半露其狀欲墜旁大書落星石三字

倉門石治西北二十五里江岸由天倉山得名也長

敘州府志

卷四十三

外紀

五十九

十餘丈高五丈有奇每際夏秋水勢洶湧此石當其衝菜壩膏腴土壤得保無恙乾隆丙申鄉人誤鑿之次年水淹土地不可勝紀堪輿家有鑿斷風水之說未必無憑也

督撫石治西北二里江岸名義無考俗呼爲豆腐石石龜石磬二器物俱在師來山元極宮相傳明時賈人自海上攜來龜形花紋頭足宛肖康熙中失去石磬形質無奇聲最清越嘉慶八年春亦失去

古柏四株仙侶山元極宮二株蒼古拳曲生氣勃然舊志所謂瑞柏雙榮也宣化鄉大江岸一株高幾百

尺幹圍丈許乾枯已久霜皮全剝枝柯尙在場因以名義合鄉桂家廟一株徑圍甚偉葱鬱異常俗傳爲

神樹云

以上並宜賓志

天復初任可芝爲戎州刺史有漁人趙阿奴善釣大魚嘗於馬湖江垂大巨索釣魚所得者皆三二百斤爲止每謂人曰愿得重一千斤者我釣魚之志足矣卽改業不釣人或曰此非下江焉有大魚趙曰非吾所欲負命者上釣是秋果得一魚重千斤其背上有字似金色云三曾到江都五轉歸馬湖身上千斤肉

今還趙阿奴

鑑戒錄

敘州府志

卷四十三

外紀

六十

慶符縣東九十里沙河驛有陳公廟訪其由來傳云明初慶符南溪界出麒麟陳公報上上使捕獻公逐將獲而麟汨於井公隨入井溺斃事聞於上封土主因有應靈故沙河驛南溪縣毗盧場兩處俱立廟祀之毗盧場側有麒麟井

慶符人吳啟宗自幼不事產業專好符錄其叔呵責之棄家居馬湖釣魚爲生隔岸花叢密綴茅樹陰翳常見一女子下汲歌音清絕非人間曲遂踪跡其家竊窺之見女於中堂灰地畫小兒形見人輒抱之於懷心知爲異拜而求授其術三年盡其元妙歸時女

授以織囊帶道經梨子壩梨園渴而乞梨人弗與行不數武解所繫囊試之忽大蛇飛騰緣樹張口人環攻之而不能傷後以符錄救濟一方屢驗及歿後藏一篋以囊環結置黃連洞乾隆間有人無意見焉纔欲解囊卽變爲蛇人終不知其術

縣北一百里鷹嘴巖相傳明李獻賊之亂避於此者數十家巖下有硿其中石上器具至今猶存好事者燃火探之約三里許見骷髏狼籍水流蕩蕩陰風驟起悚然而止常吐霧應雲頃刻成雨爲里中父老占雨之驗

敘州府志

卷四十三

外紀

六十一

縣西北五十里山嶺之上有銅鼓石世傳獻賊未入蜀之前常鳴數日聲聞遠近事載蜀碧

以上並慶符志

輿地紀勝云太和興國間相傳山有異人紹興中王籍彥室嘗聞山間遇道人欵語以腹枵告歸道人笑以肘捫其腹者三彥室頓覺異常歸卽辟穀踰年復夢見道人啖以棗呼之過溪彥室曰吾親尙在乃止甯宗嘉定七年重修太平觀二十四化殿石砌得經一卷乃唐貞觀八年藏者至是不腐曰天元度人妙

經道人未嘗見者六百餘字見版行云

見府志

富順王名至深嗣王奉銓第二子萬曆四十四年封

明楊慎號升菴與南沙熊過友善後過告歸慎以議禮謫雲南自滇旋道經富順訪過飲於西湖行酒令自漢唐以上各將本姓舉古人三百人少者罰升菴舉楊姓三百餘南沙舉熊姓一百七十以姓孤爲辭升菴後補一人乃飲時南沙子敦樸甫九歲相隨舟中斜陽薄暮升菴出聯云落日呈萍實敦樸云迴風動藕船升菴喜曰翰苑才也盡歡而罷

天順進士劉本歷任貴州按察使司進階都察院右僉都御史有惠政歿後魂猶入朝上目而驚曰劉本歿久矣今猶見駕毋乃爲神耶以黑煞神敕封故黔

省有黑煞神廟迄今崇祀不絕

萬曆進士劉時俊居官歷有異政復因進勦奢寅功加兵部右侍郎卒於天啟丙寅年正月十九日先是里人夢遊洞天見雷神位次內虛一座其人問故答曰劉時俊將至果卒至康熙丁酉時俊曾孫懋勸祈箕仙時俊靈附云我卽爾曾祖勸問祖歿後何爲又云前里人之語爾豈未聞耶

萬曆進士劉堯珍係原任浙江温州司馬劉之藩仲子萬曆戊午鄉試賓興同官蔣推官少年名甲科以是科當得分闈不果遂恚甚自沉於池之藩燕坐路

寢見蔣推官來謁徑入內室方訝欲問故而侍妾走報解恭人就蓐生仲子急遣探伺蔣廨則已舉家哭矣堯珍登第居官以掄才得士稱最盛時年方二十有四恰與蔣推官赴池之齒齊見几水龔懋熙所作堯珍傳中

富邑城隍廟左側觀音閣原係菩提寺創自唐天授間前有天王殿後有無量殿其無量殿邑人熊介庵仕廉捐建至隆慶壬申夏一夕遭回祿無存時殿懸木刻金龍係介庵滇中造回是夕龍首從燄中飛入介庵家介庵曾孫敦誼方客錦官未知及聞王棟指

敘州府志

卷四十三

外紀

六十三

明回驗龍首果然翻土得介庵及原任邑侯李嵩石刻姓名

崇禎拔貢萬鯤任貴州鎮甯州知州曾力伸喬姓父子五人冤枉卒於官州人立祠祀之宗人某嘗夢鯤在殿宇端坐問之鯤曰爲本州城隍宗人曰公旣爲神必知子孫福澤鯤曰吾居官有陰德子孫必有登賢書者後鯤孫恪以下登第共五人人謂五喬之應

以上並  
富順志

蘇東坡常於涪井監得彝人所賣蠻弓衣織成梅聖俞春雪詩蓋其名重傳落彝地故也



長甯縣署內北廳右有古榕一株不知何代物也枝葉森密廣蔭數畝雖盛暑至其下亦有涼風颯然而來其側建祠肖像歲時祭享云卽此樹之神也儀門側有巨鐘一口覆地相傳歷數百年矣識者以爲厭勝之物至今莫敢啟之

元末丁總管耗邊南邑民迫於竄匿舉馬繼成捐黃金酒器領庶老降之一邑獲安

波瀾殿舊在金龜山頂每歲四月八日邑人汲嘉魚泉浴佛波瀾之名本此

邑郊外昔盡茂林豐草屢多虎患獵人射之卽竄去

物色至古廟中箭皆攢於神像毀其像患遂除

唐道人修真於邑之佛來山常題廟壁句云風靜苔堦眠石虎雲深草閣護梅龍夜坐句云愛輯元門編甲乙慣從長夜守庚申灌花句云無心爲雨露轉眼卽烟霞芟草句云鋤去原非種拈來豈是花惜未窺全豹其高致已畧見一斑矣

黎浩洪武間以經明行修薦授西甯司馬永樂二年成祖勅曰朕惟聖之孝愛其所親爾以才器事皇考太祖皇帝建文之際黜爾爲民朕思皇考所任之人詔自錄用爾旣來朝而筋力衰邁更難重勞以事勅

賜冠帶宴賞仍致仕歸家遂爾優游免爾差役撫爾子孫而勸鄉民爲善爾其欽哉浩遂歸

周文安曾祖世祥築東溪書院於城東祖本源講學於此因院後餘地數弓建有光霽堂取光風霽月之意

明都掌彝屢寇長甯勢甚猖獗成化元年周文安公時爲侍讀疏請設土官撫之制允酋長二百餘人具謝恩馬二十七匹歌舞而來誓於眾曰皇帝旣赦我罪又與我官雖粉骨莫報我等當盡心保地方永遠安靖繼而領軍汪浩惑於人言盡二百餘人殺之酋

敘州府志

卷四十三

外紀

六十五

長子弟以四千人復仇圍攻長甯宣言誘殺父兄計自周侍讀出必盡屠乃止印官出諭曰周侍讀奏實欲爲汝立官天子已允縱汝可誑天子亦可誑乎但今殺之者不知何故汝且退徐察之可也始解圍去延攻江安以下九縣大肆焚掠死者數萬事聞廷議命大司馬程信討平之

眉山以生三蘇而草木盡枯涪井以出二榜眼而鹽泉遂淡故時有涪井鹽泉淡眉山草木枯之語

周文安公嘗蓄一硯云獲自西溪膚理潤澤積墨不枯背有宣和年號暨十六字銘壽於金玉鬱其雲烟

載耕載穫以作良田篆法遒勁極寶愛之  
邑祀泰山非分所宜周文安辨之詳矣逸民曾穎禾  
有句云涪城自昔非東魯蒸餅緣何是泰山亦足爲  
辨惑之証

天順間漁人於涇灘網得玉螭一枚大如拳畜水盆  
中蠕蠕欲動不知何代遺物後一賈以錢數千購去  
嘉靖間知縣李時芳因邑久乏科第重覆學廟開文  
峯二門以迎山川秀氣尋廢學訓李天祿以爲長甯  
地脈自金龜山過峽由學至縣金龜在丙位係陰樞  
星今學向丙無所配且騎脈不免衝突不如舊向震

敘州府志

卷四十三

外紀

六十六

位借陽權星作配然文安公謂歷櫺星門右旋而進  
步履脈道前人或有所取云

李章字廷顯爲陝西寶雞司訓思季鷹之莼鱸慕淵  
明之松菊陳情屢告退休林泉蜀士大夫競以清風  
高節贈之聞有涇灘吟稿數卷惜未傳

長邑沿溪上下皆設筒車引水灌田其利甚便春二  
三月溪水泛漲行綠陰間聞車聲伊軋與鳥語鈎輓  
相應亦能令人忘倦嘗記無名氏有咏筒車句云汲  
引無人原自用轉移有力妙能圓寓意別有所在  
自涪溪放舟而下夾岸叢篁高峰對峙鼓棹中流左

右顧盼眞令人如在巫峽夔門奇景秀態應接不暇  
以此入畫可當卧遊

邑南城外金龜山舊有塔爲一縣文風所係知縣高  
巖創修之經始萬厯丙子歲越庚子歲落成兵燹後  
傾圮今基址猶存

安甯鎮北原上有鄭夫人墓係舊尹鄭連嫡室初從  
鄭赴官長甯年猶少婦儀從甚都旋以疾卒殯於鎮  
之水府廟中鄭後被謫去官未歸其柩康熙六十年  
陳尹秋田蒞任憐其無主遺骸爲移葬於此分鎮市  
官租二十之一以供春秋麥飯之需並撰銘刻石以

敘州府志

卷四十三

外紀

六十七

志其墓

以上並  
長甯志

馬尾裘始於朝鮮國流入京師人買服之未有能織  
者初服者惟富商貴公子歌妓而已以後武臣多服  
之京師始有織賣者於是無貴無賤服者日盛至成  
化末年朝官多服之者矣大抵服者下體虛參取觀  
美耶閣老萬公安冬夏不脫宗伯周公洪謨重服二  
腰年幼侯伯駙馬至有以弓弦貫其齊者大臣不服  
者惟黎吏侍純一人而已此服妖也宏治初始有禁

例

周宗伯洪謨之父嘗爲長陽訓導作妖魅說言門生

何瓚與其弟飲民家瓚歸失弟所在搜於山累日得之木上問其故云一人引至此今見爾輩來遁去矣蓋山鬼也又門生之父鄭老者入深山採藥遇木有大菌乃取之行數里有人追與鬪云何以割吾耳當見還鄭老巫者有禳兒術其人不能加害而去然精思恍惚迷其歸路後數日家尋得之邀使歸固不肯乃執以歸藥之而醒備言其故如一夢也大抵深山幽谷中固多強死之鬼以木石鳥獸之怪人不知戒故有獨行遇害者凡入深山者須持利刃不宜獨行

並明陸容菽園雜記

敘州府志

卷四十三

外紀

六十八

明喻良五歲時其父問之曰爾志何爲對曰兒欲爲良臣遂名之曰良旣讀史至魏徵願爲良臣不願爲忠臣之對曰忠良無別所遇不同太宗之言是也若能良而不能忠則非眞良能忠而不能良必非至忠厥後陳臬滇南綱紀肅清凜凜難犯則所志所學基之矣

郝世科少時勤苦力學爲諸生屢躓場屋嘗夜半讀書窗外有鬼呼其名曰爾爲命所限苦讀亦不中何必枉費工夫世科大聲應之曰不中愈要讀我欲爲學命豈能制我耶其鬼遂退去旣寢忽夢神人授以

五色筆一管自是爲文敏捷奇特若有助之者遂登賢書成名進士

徐時浙江貢生父慶餘崇禎十二年任珙縣知縣越六年賊帥張獻忠肆行屠戮來攻城慶餘率眾捍衛力盡被執至永甯賊誘以顯秩不從且愈憤激罵賊不絕口遂與其子文斗皆死焉時餘慶之仲子也先是奉父命出外聞父變痛絕乃潛居高邑矢志殺賊當時宜賓致仕大臣樊一蘅在籍起用總督川陝奉命討賊因邊地寇亂之餘所在缺官廢事而高邑令又與地不甚相宜深知時才可用卽給劄委爲本縣

敘州府志

卷四十三

外紀

六十九

令仍行具題厥後時遂家焉迄今子孫繁衍所藏制府劄付猶在慶餘已入珙邑名宦祠矣

駝背巖地近鎮雄有老婦陶氏問其年百三十歲矣身小如嬰兒亦造物之奇也

夷人三種一曰猓獠其人性狼好殺男人插髮著長衣腰繫皮带曰饑飽索裹帕赤足身佩刀劍居板屋刀耕火種喜獵有事以艾炙羊膊卜吉凶有急以刀刺人或自刺而死輕生樂鬪婦人紐髮盤頭上耳著大環繡花長衣無袴赤足外披細毡衫覆衣乘騎盤足橫坐馬上不墜飲食以蒿麪作餅以菜作羹燕會

撒松毛鋪地盤膝坐食待漢人以矮小棹橙男女分席而坐殺猪用火燒去其毛以生肝蘸椒鹽食之泡啣酒飲之器用木杓筯用竹簽婚姻以牛馬羊爲聘死葬不用棺槨以綿帛纏之燒化以土掩之乃刻木以羊毛線纏繫爲祖宗每歲六月二十四日宰牛羊祭之夜燃炬飲凡有才力而能役人者名曰黑骨頭爲人役者名曰白骨頭近來男人亦薙髮不帶刀劍矣安甯定邊二鄉尙多自滇南鎮雄來尋地主佃居一曰猫子其人樸愚黑色紐髮作椎髻裹以白帕富者折丈餘黑布裹之兩耳著大銀環身著短黑衣或

繡衣赤足出入帶刀婦人頭纏花巾喜著銀首飾兩耳垂大環身著短繡衣下著裙赤足無袴精女工常居高山上結草爲房居平地則必生疾病因畏避痘疹遷徙無常扳緣高巖如行坦途畜牛馬爲生種青稞包穀雜糧爲食近亦有販賣牛馬者燕會飲啣洒與猓獠同疾病採草藥療性好鬼婚姻聘用馬牛布疋祭祖宗以宰盜取之牛爲敬間有習漢人衣冠者其性必狡高邑上下四鄉俱有悉屬佃人田地雖有錢之家不自置田地一曰土獠其人狡詐貌多似盜能說漢話衣冠盡同有錢者竟自置田宅鼠竊者十

居八九高邑上下四鄉俱有近來有教子弟讀書者  
以上並  
高縣志

碶門永甯筠連所產茶名曰剪刀麓葉惟西番用之  
而商販未嘗出境四川茶鹽都轉運使言宜別立茶  
局徵其稅易紅纓毡衫米布椒蠟以資國用所收之  
茶依江南給引販賣法公私兩便於是永甯成都筠  
連皆設茶局矣

明史食  
貨志

筠連治北龍潭濶十餘丈深不可測爲八景之一相  
傳舊爲古廟有塾師訓蒙廟中神示夢云明日視右  
獅眼紅宜速避師次日令童子守之囑曰石獅眼紅

敘州府志

卷四十三

外紀

七十一

急來報當卽令歸童子候久欲歸潛以硃抹之謬報  
師曰獅眼紅矣師徒走出廟果沈至明季時有孀婦  
子某甫十餘歲失足墜潭中以爲死矣年餘復歸自  
言爲龍宮服役與人世無異龍王給假令其歸葬時  
母尙無恙數日尋卒葬後竟不知所往攜一水晶盤  
非人間物爲縣令某索去

筠連倒流水塘天旱常有<sub>大魚</sub>浮水面居民文氏女  
浣衣塘上忽失所在徧覓不得三日偕一美少年歸  
謂家人曰已入水中爲龍婦少年卽其壻也餽遺頗  
厚其家以此致富偕居數日忽風雨晝晦夫婦俱不



見年餘其家造屋夫婦復歸少年與眾角力爭樑竟現原形眾俱駭少年亦蹣跚不安至晚其媳穴壁窺之見二龍卧帳中駭極轉告家人共窺之忽不見題一紙畧云某自知異類奈形迹已露當以某日遷去以後視水之出入爲女往來之驗至期山中聞鼓樂聲良久始寂其後溪水不時倒流入洞因以得名然塘由是漸塞惟屋至道光年間始毀柱上龍爪痕父老猶多親見之者貢生文定中著有倒流水紀異載之家乘傳其事云

國初時筠連有男子類瘋魔狀自言爲蜀守李冰時

敘州府志

卷四十三

外紀

七十二

方盛漲步行水上不濡人驚其異觀者如堵指沱水謂居民曰此孽出將爲害急建吾廟以鎮之並示廟基坐向督眾尅日興工毋遺後悔眾許之良久乃甦問之茫然遠近聞之踴躍樂捐建川主廟於沱之南岸甫落成卽聞有物如牛鳴聲達數里莫知其處至今沱水如故惟物不常鳴鳴則主旱人亦不以爲異矣

以上並  
筠連志

珙縣有廟祀龍君相傳係本縣落垵土官元時妖龍激水溺民土官弟兄三人斬龍退水亦皆死焉元帝封爲昭惠侯宣惠侯普惠侯今止祀普惠侯卽龍君

也史無可考

珙縣多僂人漢雖置南廣縣而僂人仍雜居於中六朝唐宋以來屢爲邑患相傳有羅因者以僂人嘗滅其宗乃教以懸葬崖上子孫高顯於是爭掛高崖以趨吉其祖父遺骸被風吹散後嗣俱絕此掛棺崖之所自也然亦渺矣

通志言明僧印滿號大千江安人住珙邑芙蓉寺中相傳素不識字因誦觀音經有悟遂能文題八角磨盤七重寶樹有云大道原空八角磨盤何處轉眞機非有七重寶樹不須栽題懺筵云旋懺旋爲若是不

敘州府志

卷四十三

外紀

七十三

爲何用懺非空非色但凡有色豈成空題禪室云補衲迎紅日開窗推白雲題文昌祠云半壁拱天中開北極圖書洞府六星明斗上應人間豪傑昌期皆佳句也

明時內江貢生陳某司訓於珙因家焉素多陰德相傳有人於夜分見一披金甲者從數人背負桐油沿街洒入門戶至陳姓門曰此孝友家也不洒而去越數日闔城病疫陳姓獨免

以上並珙縣志

隆慶年間隆昌縣東五十里了口邊有一女滿頭癩殼相貌奇怪不知從何來亦不詳姓氏每日在附近

人戶舂碓度活忽一日有圖形來娶者惟此女肖其貌卽時溪邊沐洗癩殼盡脫皎潔異常後呼其地爲癩頭了云今其洗沐處常多紅泉黑水泛出

隆昌縣東地名癩頭了有小溪一日大雨水漲一人暮夜到此無橋躑躅間忽一人負劍而來將劍插入石壁中負一大石架橋使渡自乘一石船浮水上至今橋石宛然千人莫移劍穴尙存石船亦朗然在目相傳爲呂純陽云

順治元年隆昌縣東三十里魚箭灘有老人見一獸在河邊麕身牛尾馬蹄一角歸以語人同往觀之不

見至今橋名麒麟

仙人棋在隆昌縣東地名印山紅康熙元年有牧童見二羽衣人在山頂下棋倏然不見今棋盤棋子尙存後人將棋子擲於山麓明日視之棋子仍在山頂乾隆二十一年大旱五月間人多饑餓隆昌寶藏山有一家三日未舉火忽見一老翁形容非常指之曰此山之泥可以療饑言畢不見因掘土炊而食之細滑與穀食無異於是往取者眾人無饑餓焉

母猪石縣北十五里環巖山田每於稻麥成熟時有物夜出其大如象形類母猪踐食稻麥居民夜捕之

遂至崖際忽不見明日踪跡之見崖畔卧一巨石長丈餘形類夜間物卽以鎚鑿斷其頸塗以鴿犬血後遂不爲居民害因名其土爲母豬崖

隆昌縣北八十里慶雲寺有古柏三株相傳有明迄今三百年物也嘉慶九年二株忽枯寺僧欲伐之以修補山門紳耆不許經歲餘枝葉青茂如常

蜀龜鑑明崇禎十六年榮昌喻尙書孫女歸隆昌東八石糧張珩玖踰晨起淨面失雙耳環嚴責其婢不獲婢懼走匿張家廟神座下日旣夕燈燭交輝諜報獻忠已破夔州六月將屠隆昌不遺雞犬諸神慘阻

敘州府志

卷四十三

外紀

七十五

太息諜者訝有生人氣一神曰張宅婢也喝之出戒曰亟歸告爾主逃入遵義可免婢曰賊不至遵義乎神曰有高崖神把關必無害且戒勿洩婢曰我主人金環安在神曰花鵝吞之矣婢歸以告剖鵝腹果得束裝走遵義獲免

以上並隆昌縣志

馬湖府城西上將百七十里有湖長二十里許昔人以牝馬繫湖岸龍出與交屢產異馬明昇得之貢至都下乘之如飛電上賜嘉名

蜀中風俗記馬湖之夷歲暮百十爲羣擊銅鼓歌舞飲酒窮晝夜以爲樂其所儲蓄弗盡弗已謂之諸葛

窮夷法並屏山  
縣志

雷波東關外四里有小海乃山水瀦蓄而成海邊一洞莫測深淺時開時閉開時水由此落不知其洩流何所因名曰落水洞

雷神洞中有大虵如甕常出飲池水山僧輩皆見之司馬張擴亭詩曰昨有大虵出聯睛露光怪得毋神龍子要與風雲會蓋實事也後有人於崖隙塑一龍首此後虵不再出未知何故

天姑密四里之梯子崖有觀音寺側出一線黑泥其細如麪有疾病者虔禱世尊取黑泥回煮湯服之其

敘州府志

卷四十三

外紀

七十六

病立愈又崖際瀑布飛懸下有巨蟹大如斗吐納雲霧人咸見之

烏拋夷地有銅厰厰徒楊某入深山中見一大樹枝幹異常樹葉上具有佛像趺坐形狀宛然歸以示人識者曰此佛國伽藍樹也楊因再至其地物色之遠望有大赤虵蟠其上光焰如騰駭懼而返

嘉慶五年天姑密大饑道殣相望倏來一老嫗指一洞示人曰此中泥可食言訖不見鄉民試之果然羣疑大士化身因名其泥曰觀音粉遠近爭取活人無

算以上並  
雷波志

宜賓縣八景照何志所列  
今縣志小異

七星煥彩 梁山霧雨 天池晚照 水簾奇觀

曲水流觴 津梁晚梁 黑水春跳 石城早霞

慶符縣八景

迎祥挂榜 龍腦現瑞 西江半月 荔支發祥

石門幽蘭 金雞來儀 白馬眠池 南廣桃源

富順縣十景

東津台曜 北洞春秋 南浦書臺 西湖易洞

青山鎖峽 釜水環江 月崖甘泉 雲峯夕照

翠屏天榜 馬腦乾關

敘州府志 卷四十三 外紀 七十七

南溪縣八景

琴山松風 蘆亭晚渡 海樓煙雨 龍騰晚照

仙觀晴霞 鎮瀾夜月 瑞雲鬣鬣 桂谿釣艇

長甯縣八景

寶屏秀色 筆架文峰 嘉魚清泉 桃源仙洞

涪井晴煙 棧山霽雪 石筍削岩 涇灘瀑布

高縣八景

閣梯連雲 芙蓉晚霽 七寶連珠 三台峙月

沙灘漁歌 紅崖牧笛 春浪躍魚 南村耕雨

筠連縣八景

景陽挺秀 玉壺冰清 龍潭夜月 木井溫泉

銀江晚照 木浪曉晴 屏山聳翠 涼洞清風

琪縣八景

鳳山凌霄 麟峯獻瑞 德行端凝 魚孔磬音

芙蓉競秀 洛浦湧泉 西江畫屏 南湖繡筆

興文縣八景

南壽丹霞 凌霄翠巘 崕峩仙洞 溫泉蝦燈

玉屏晚鐘 絲城瀑布 文印書石 龍潭秋水

隆昌縣八景

道觀憑眺 鄉校留嶽 樓峯聳翠 響石餘音

敘州府志

卷四十三

外紀

七十八

迴龍砥柱 正覺晴雲 隆橋夜月 鵝洞飛泉

屏山縣十二景 縣志稱龍湖十二景

鳳嶺迴環 龍躍天津 寶堆春眺 萬渦晚霞

赤崖晴雪 龍湖夜月 書樓筆架 桂閣石欄

錦屏積翠 沙洲漁網 三谿合秀 五峯獻奇

馬邊廳八景

金蓮吐日 西臺返照 南岸早樵 北關晚渡

魚淵垂釣 龍齡憑眺 銅鼓息征 石裏金魚

雷波廳十景

錦屏聳翠 龍頭勝景 海池清濁 龍洞飛泉

佛洞垂珠 泰沙奏樂 天生橋梁 雷神古蹟  
龍湖激清 海中孤嶼

敘州府志

卷四十三

外紀

七十九